

الكنسساب الأول

المناخ الخالف

ناصرالعزبي

المجلس الأعلى للثقافة





نتاج الخوف --- ناصرالعزبي

#### مدير التحرير / منتصر القفاش

## إخراج فنى / هشام نوار

# لجنة الكتاب الأول

إدوار الخراط ( مقرراً ) حسين حمودة حلمى سالم خيرى شلبى سمية رمضان عبد العال الحمامصى محمد كشيك مجدى توفيق مجدى توفيق

التصميم الأساسي للغلاف محيى الدين اللباد + أحمد اللباد

لوحة الغلاف للقنان: عصمت داوستاشي

- 44 -

# نتاج الجوف

« حكاية من الصعيد الجواني »

مسرحية

ناصرالعزبي



Y \* \* \*

•		
	•	

إلى أسرتى التى ينزعنى المسرح منهم إلى الزوجة عزه وإلى الأبناء سوزان ومعسد ونورهان

أهدى هذه المسرمية ناصر العزبى

# شخصيات الحكاية

فـــواز: شاب في العشرينات من العمر . ملئ الجتة ، حاد الذكاء . أسمر . وسيم . قوى الشخصية .

حــسان: الأخ الكبير لفواز. قصير القامة. ضعيف البنية.

هستسد : زوجة حسان . جميلة ، في أواخر الأربعينات من العمر .

محجوب ابن حسان . في الثامنة من العمر .

الـعـم، عم فواز وحسان . رجل مستغل تزوج من أمهما واستولى على إرثهما .

مـــرسى: صديق فواز وذراعه اليمين ٣٠ سنة .

الخسسال: خال فواز « ٥٥ سنة » يبدو من تصرفاته أحيانا ألحمية . الحكمة والخبرة وأحيانا الحمية .

« ٢٠ سنة » ابنة خال فواز . والزوجة الثانية .

كبيرالبرادعة كبيرالعوايدة كبيرالدهاشنة ضــابط شــاويش

هــدايــات:

# شخصيات المسرحية

السيراوى: راوى ومنشد شعبى وعازف ربابة.

السنيسه ، اثنان أو ثلاثة من الرجال . يشاركون بالعزف وبترديد بعض الكلمات أيضا نسمع منهم بين الحين والآخر كلمات الثناء والاستحسان لما ينشد به الراوى .

المستمعون : هم المجموعة التي تستمع إلى الراوى وتشاركه أحيانا في الحديث وتتكون من :

رجـــل ۱:

رجـــل ٢: « صاحب المكان أو كبير المجلس » .

رجـــل ۲:

رجـــل ٤ :

رجـــل٥:


## يكون الديكور بسيطًا للغاية:

- مشاهد الدار تكون عبارة عن مجموعة من الدكك وطقطوقة بالإضافة إلى لوحة على الحائط الخلفي .
  - وفى مشاهد الهيش تستخدم مساطب على أن تكون الخلفية مزارع .
- وفى مشهد العم يكون المكان فى مقدمة المسرح داخل بقعة ضوئية فى أقصى اليسار .
- من الممكن أن يكون الراوى والمستمعون له فى مستوى مرتفع وله سلم جانبى مكون من درجتين . ويكون هذا المكان بأكمله فى أقصى اليمين من مقدمة خشبة المسرح أمام الستارة الرئيسية .

#### إشارة:

بداية من الفصل الثانى ، وفى الحوار الخاص بالحكاية يراعى نطق « القاف » « جيم » حيث وجدنا كتابتها تحدث لبساً فى الفهم ....

المؤلف



( تضاء بقعة ضوئية على يمين المسرح قبل رفع الستار ) . مجموعة شخصيات ريفية منها من يجلس على المسطبة ومنها من يجلس على الأرض ومنها من يقف . والكل في وضع انتشار .

رجـــل ۱: يعنى ده صحيح . الحاج راوى جاى ينشد هنا الليلة . رجـــل ۲: أومال يعنى الناس دى كلها جايين عشان يسمعوك أنت .

رجــــل ١١ ، بصراحة ياولاد أنا مش مصدق روحى .

رجـــل ٣، وهو من الجلوس » لأ ، صدق . الحاج راوى بعت مرساله لنا وقال أنه جاى بالربابة بتاعته . وادى احنا جهزنا له القعدة . وربنا يجيبهولنا بالسلامة .

رجـــل ۲: الحاج راوى . سيطه واسع قوى ، وجيته الليلادى هنا معناها أنه شاف فينا سميعة .

رجـــل ١: وهو هيلاقى سميعة زينا فى الدنيا بحالها . طب دانا سميع ماليش زى . شوفوا الحتة دى « يتحرك مشخصا » . وركب عنترة عالحصان وسحب سيفه من الجراب وهات ياضرب شمال ويمين وقتل مالعدا ألفين .

رجــــل ۲: لكن أنت يافالح متنفعش تكون عنترة لأنك أبيض وعنترة كان أسود هاها « يضحكون » .

رجـــل ۱، إيهى . طب أبو زيد الهلالي « متحمسا » لما نازل الجـــل ، الزناتي خليفة وطعنه في عينه .

رج لى ضرب الزناتى فى علم الله أهو غلط . اللى ضرب الزناتى فى عينه مش أبو زيد ، اللى ضربه يافالح دياب .

رج لى ١٠ ياسلام وهو دياب كان تبع مين ؟ مش كان واحد من جيش أبو زيد ، ثم إن أبو زيد هو اللي قتل الزناتي لما عمل حكيم وحطله له السم في عينه .

رج لى كلى حاجة . بس أنا متفق معاك في كل حاجة . بس أنا مش مع أبو زيد لأن اللي عمله ده أسمه غدر وخيانة .

رجسسل ١١ . لأ مالكش حق ! هي دي مش حرب بينهم ، وفي الحرب رجسسل ١٠ . كل شئ مشروع . المهم مين يهزم مين في الأخر .

رج الله عنه الكلام ده / أنتوا مش ملاحظين ان المجلد المراجل أتأخر ؟

رج لى ٢٠ صحيح يأولاد دا الوقت سرقنا ، والكلام خدنا والليل كبس علينا .

رجـــل ١، ليكون الرجل بعافية ولا ....

رجيل ١٠٠٠ فال الله ولا فالك يا أخى خليك محضر خير.

« صوت ربابة »

رج له الحاج راوی وصل بالسلامة أهه ومعاه الرباب . « يدخل الحاج راوی .. ممسكًا بربابة .. ويتبعه رجلين من السنيدة .

المسراوى: السلام عليكم.

الجسميع ، سلام ورحمة الله وبركاته .

رجىلى ٣٠ الحمد لله عالسلامة ياحاج راوى . وغوشتنا عليك .

المسراوي و ظروف السفر بقي يارجالة . القطر اتأخر شوية .

رجسله ، بركة أنك جيتنا بالسلامة . سلامات يابركة .

السيراوي: الله يسلمك.

رجـــل ١٠ طب والله العظيم النهاردة عيد انك معانا . أه والله عيد . أنا جايلك من كفر الشيخ مخصوص عشان أسمعك . أصل أنا مالمتيمين بحكويك ياحاج .

رجسسل ؟ : وأنا جايلك من بلقاس . وجميع أهالي البلد هناك عاوزينك تبقى تشرفهم .

الـــراوى: عن قريب إنشاء الله.

رج لله وأنا جايلك من البحيرة . جاى اتملى بطلعتك . واسمع كلامك الجيرة . العسل . العسل . ياعسل أنت ياعسل .

السيراوي: الله يخليك.

رجـــل ٢: دهده . أنت متسربع كده ليه ياراجل .

رجستسل ١١ إيهي! إلا متسريع دانا متسريع. ومتسريع ومتسريع ...

رجسسل ٣٠ ماتفضوها بقى سيرة أنت وهو . خلونا نسمع اللى أحسن منكم ... النبى سمعنا صوتك ياريس .

الــــراوى: أنا معاكم للصبح يارجالة . متقلقوش . أنا مش ماشى السيراوى: إلا لما أراضيكوا كلكم . مش هاسبكوا إلا لما تزهقوا منى .

رجـــل ١: وهو معقول ! فيه حد في الدنيا يزعل منك . ربنا يباركلنا فيك ياراجل ياذوق .

رج لل ٣٠٠ الشربات ياولاد - أقعد ياد أنت وهو - ولاأجيبلك حوته . حلبة ياريس ؟ ينسون ياواد للريس عشان يسلك صوته .

الـــراوى: « يجرب ربابته » . « الجميع يهللون فرحا » .

رجــــل ١١ حكاية عنترة . أو حكاية أبو زيد والزناتي .

رجــــل ٢٦ وليه متكونش حكاية أيوب وناعسة .

رج ـــل ٢: كل شئ بالصبر يارجالة. إلا صحيح ياريس. هتسمعنا إيه الليلة ... ؟

الـــراوى: أنا الليلادى هسمعكم حكاية جديدة خالص. طازه

رج له ٤٤ كل اللي يجي منك ياحاج كويس.

رج الحلو ميقولش إلا الحلو . ياحلو أنت ياحلو .

السيراوى: الله يجبر بخاطرك.

«يجرب ربابته . الجميع يهللون»

حكاية طازه. لسدجاى بها مالصعيد الجوانى دلوقت، من قنا.

رجـــل ٤: أجدع ناس . ياراجل ياصالح .

رجــــل ١ : يعنى أيه طازة ياحاج ؟! وهي الحكاوي زي الخضار والفاكهة.

رجـــلا: أومال أيه . الحكاوى زى الخضار والفاكهة . فيه الطارة وفيه البايت « الجميع يضحكون » .

الـــراوى: كل شئ بالهدوء يارجالة . اقعدوا بس انتو ونظموا نفسكم « يقف . فيهللون » كل شئ بالهداوه . أنا معاكم لغاية لما تقولوا بس . « يجرب ربابته »

سواح أنا ياعرب .
وكلنا ولاد عرب .
اسمع حكايات عجب .
اللى هجم وضرب .
واللى أنهزم وانضرب .
آوح وعربد . نهب .
ولايعجبوش العجب .

« الجميع يهللون استحسانا »

سراوى: لا دانا باسلك الحنجرة لسه.

وأنت ياقاعد وسامع . خليك كريم المسامع . وأرمى مشاكلك لضهرك . وأرمى مشاكلك لضهرك . واصغى بجوز المسامع .

« يهللون » صفيلى بالك ياسامع . وبلاش تضايق فى سامع . والله بكره هتفرج .

وتعودلى بعد سنين سامع « يهللون »

أنا كنت باسبخن . بس يابنى أنت وهو .أقعد ياريس . هنبدأ إن شاء الله وبسم الله . وهنحكى الليلة دى حكاية جديدة وزى ماقلتكم حكاية من الصعيد الجوانى .

« ينشد على ربابته » بسم الله الرحمن الرحيم هنبتدى الليلة الـــراوي :

نبينا الزين كحيل العين بذكره الكون سهرة جميلة يامستمعينا / صلوا عليه صلوا عليه يامأنسينا / صلوا عليه يامأنسينا / صلوا عليه وملحة في عينك ياللي . ياللي ماتصلي . ماتصلي على النبي .

الجهيميع وعليه الصلاة والسلام. ألف صلى عليك يانبي .

السسراوى: حكاية الليلة هنسميها . حكاية الفتى فواز . وفى الحكاية النهاردة ياسادة ياكرام ولايحلى الكلام إلا بذكر النبى .

الجسميع ، عليه الصلاة والسلام .

( تضاء بقعة ضوئية في مقدمة منتصف المسرح يظهر فيها فواز ) .

الـــراوى: « منشدا »

لكل قصة وحكاية بطل وقصتنا كان بطلها خطر ومين شاف بدايته لزمًا يقول ومين شاف طفولته لزمًا يقول ومين شاف طفولته لزمًا يقول - كل من شافه في داره راح يقول بأن بطلنا لزمًا يكون

يكون فى النهاية فخر الوطن ولكن ظروفنا وبعض العادات يتحكم مصيرنا وتعند ساعات تحول مسار الطريق الصحيح ويبقى الشريف في النهاية خطر

« أثناء الإنشاد يتحرك الراوى ليقف خلف فواز . يقوم فواز بشهد تعبيرى بسيط يؤكد ماينشده الراوى »

الـــراوي ،

« يحكى » وفواز ياسادة ياكرام . كان الأخ الصغير . وكان أخوه الكبير حسان . « يخرج فواز من البقعة الضوئية حيث يظهر حسان الذي يؤدي مشهد تعبيري . يبدأه واضعا وجهه بين كفيه في الوضع جالسا ثم يعتدل ويقف ثم يتحرك ببطء في مكانه . ثم يبدأ في الجرى تدريجيا – وهو في مكانه – ويستمر في الجرى حتى رفع الستار » .

الـــراوي:

وحسسان ياسسادة يتسيم الأب هو وأخسوه فسواز وأمسهم من بعسد الأربعين قسالت ياجسواز والعم كسسان العسسريس والوصى عسسالولاد والأرض باعها واشتراها والأم حالها كان هواها وضاع مابنهم حق الولاد

« يحكى » حسان وفواز ياسادة مارتضوا دا الحال . حزموا خلجتهم وابتدوا الترحال . عاشوا في مكان لواحدهم وحسان الكبيسر بدأ يدور على عسمل . وبالفعل اشتغل مزارع عند واحد من أصحاب الأطيان . وفواز كان بيداكر ويتعلم . وكان الكبير حسان هو الأب والأم لفواز . « منشدا »

حسان وجه طفولي لكنه كان راجل .

وقف مع فواز ، والواقفة واقفة راجل .

كان وقتها له طموح ، وكان وكان .. لكن الظروف والزمان يهدوا ميت راجل .

#### « ترفع الستار »

« حجرة المسافرين في بيت ريفي »

حسسان لايسزال يجسرى . يلاحسظ عليه الإرهاق . تدخل هند . يعود الراوى إلى مكانه .

حبسان: هو اللي جعلني أثور عليه. هو اللي ورطني ونرفزني

هـــــد عشان تعرف تتكلم

حسسان: كان عاوز يساومنى . عاوز يستغل الظروف . كان

فاكرنى لجمة طرية.

حـــسان: كان قصدى اضربه . اضربه عشان اخد حقى .

هستسد ، بتتكلم عن مين . أنا مش فاهماك .

حسسان و عويس و صاحب الأرض اللي باشتغل عنده .

هستسد : جطع لسان اللي يجول عليك اكده . أنا جاصدي ان

الراجل ده كان لازم ياخد لنفسه خط رجعة جدام الرجالة .

حسسان ، رفض یعطینی آجرتی . کان عاوز یاکل علی عرقی . وفهمنی أنی لو طالبته تانی هیبلغ عنی .

حـــــــان: وأنا هاستني سنتين في الذل ده.

هستسد ، عشان أكده كنت عاوزاك تاخد على خُوى معاك و تتفاهموا معاه .

حسسان: خلاص یاهند . أنا اتفاهمت معه . معدش هیساومنی .
« یتـذکر » الفلوس کانت معاه فی یده . وکان
بیهددنی . طلبت أجْری ، رفض . ضربته عشان اخد
فلوسی . هلل وکان هیجمع العمال اللی عنده . رفعت
الفاس اللی فی یدی وضربته علی دماغه . وجع .
مات . أنا خایف . خایف .

هـــنــد أهي ، ماتخاف ياحسان . ماتخاف ياحبيبي .

حـــسـان و لع . أنا مش هاقدر على اكده . أنا هاسلم نفسى للشرطة .

هـــنــد خبر أيه عاد . ماجولتلك ماتخافش .

حــسـان، بس أنا . . أنا . .

هستسد ، أنت أيه ياحسان . أنت راجل وعملت اللي كان لازم تعمله . أوعاك تجول خايف . الحرمة بس هي اللي تخاف .

حسسان: والشرطة؟

حـــسـان: لع . مافي حدا شافني . بس أنا . . أنا .

هستسد ، وبعد هالك ياحسان . خلاص ياحبيبى / جولتلك أطمن ياحبيبى / طالما ما في حدا شافك يبجى ليه

تخاف! إحنا محتاجينك معانا ياحبيبى . أنا واللى في بطنى .

حسسان: بتجولی إیه یاهند ؟!

هـــــــد: اللي سمعته. هتبقي أبو محجوب.

الـــراوى: « يتحرك ليقف أمامهما منشدا »

ولكن ظروفنا وبعض العادات بتحكم مصيرنا وتعند ساعات تحول مسار الطريق الصحيح ويبقى الشريف في النهاية خطر

« یحکی »

حسان ياسادة الأخ الكبير لفواز وهند دى كانت زوجة لحسان

تشوفها صبية - لكن الحقيقة في السن فوق الأربعين-وكانت عزيزة في البلد، والنسوة لها سامعين وكمان ياسادة

الست هند كانت ست مزواجة

رجسل ٢: يعنى إيه ست مزواجة ياريس ؟

الـــراوى: سألتنى وهاجوبك . يعنى اتجوزت كتير . اتجوزت السيراوى: اتجوزت التنين قبل حسان . والاتنين كانوا شداد بخلاف حسان . كانوا شداد الطبع والخلقة .

كانوا شداد في اللفظ والهيئة.

الصوت أجش واليد ملزايد.

واحد منهم كان مسجل خطر في أقسام الشرطة وهارب

من أحكام سجن والبلد كلها تهابد ، عاشت معاه سنتين لغاية لما مات على أيد واحد من خصومه ، وجوزها التانى كان من المطاريد .

الـــراوي:

« مقاطعا » عارف سؤالك . ولو استنيت على كنت جاوبتك . يعنى ياسيدى ماللى الشرطة كانت بتطاردهم دايماً / وكانت هند عايشه وياه في بطن الجبل . وواحد من رجالته غدر به ، وز عليه الشرطة اللى قامت بهجامته وقبضت عليه واتحاكم ومات وهو بينفذ الحكم . يعنى كانت أرملة لرجلين من الخطون

شربت منهم ولاشربوا منها
عاشت حیاتهم ماعاشت حیاتها
کانت شدیده
ولاکان فی قلبها خوف
سمع عنها حسان من قبل مایراها
وحسان کان صاحب أخوها علی
وفی مرة زاره فی بیته ورأها
حس أن قلبه اتنفض ویأنه جه وراها
بص لها .. وعن أخوها البصه وراها
«منشدا » لما راها عرف بأن دی نصیبه
عزم علیها وهی برضه بتریده
عارض أخسوها فی جوازها

وخالها برضه واعمامها لكنها تريده ما كان جوارها حدا مادد لها أيده. ولاكان جواره حدا إلا أخوه وحيده.

رجىل ٥٠ ياسلام ياحاج ياسلام . كل اللي بتقوله تمام التمام التمام .

رجسسل ١٠ لا ياحاج إحنا عاوزين نسمع حكاية أبو زيد الهلالي سلامة والزناتي خليفة .

رجـــل ؟: أيوه ياريس / خلينا في اللي نعـرفـه أحـسن ماللي مانعرفوش .

رجـــل ١١ أو حكاية أيوب وناعسة .

رجىل ٢٠ ياجماعة بس اسمعوا الحكاية كلها ، إحنا لسه في أولها .

رجسك ٣٠٠ والله ياريس كل اللي يطلع منك بركة.

رجىل ١٥٠ آه والله ، دانا جايلك مالبحيرة مخصوص ، أى كلام منك بركة . منك بركة . يابركة أنت يابركة .

السسراوى: وأنا جايب لكم الحكاية دى مسخصوص ، بس أسمعوها للآخر إحنا لسة فى الأول / أنا لسة بأعرفكم على شخوصها .

رجـــل ٢٠ وبعدها لكم ياجماعة ، أقعد ياواد أنت وهو ، انتوا عاوزين الريس يزعل منا ولا أيه ؟!

رجــــل ۱ ، أحنا بنتكلم معاه بعشمنا ياحاج . أوعى تكون زعلان منا ولاتكون زعلان منا ولاتكون زعلان .

الـــراوى: « منشدا » أنت يا قاعد وسامع .

خليك كريم المسامع

وأياك تضايق في سامع

وأصغيلي به الجوز مسامع.

الجسمسيع: « يهللون » أحكى ياحاج اللى أنت عاوزه . اتفضل .

ويعدين كمل ياريس.

المسراوى: « منشدا » حسان ده كان أخو فواز

وهند دى كانت زوجة حسان كانت الحبيبة والدفسا هي من غير كلام كانت هي نصح ورضا وإحكسام هي وفي الأنوثة كمان هي كانت الصعاب والمدد هي كانت الصعاب والمدد هي من غير كلام كانت هي حب وعزم وونس وقنحه القوة « مشهد الخال مع حسان »

ـــسـان: خيريا خال مش عوايدك تشقر علينا.

الخبال: جاى أطل على اخوك فواز ..

حسسان؛ فواز! ماله فواز؟

الخسال: ماجد حداك ....؟!

حسسان: وين فوازيا خال ؟

الخيال: ده ده وبعد هالك ياحسان. يعنى هايروح وين !؟

حسسان: حاسس بأن فيه شئ بتريد تداريه .

الخـــال: أنا غلطان أنى جيت. كان مفروض أفهم أنك هتقلق.

حــــــان ، وين فوازيا خال لا داعي أنك تقلقني أكثر من اكده.

المخسسال: ما في شئ. في الله جاي على إهند، ما أنت عبارف خوك واللي دايماً يعمله مع أمك وجوزها.

حسسان عما أنت السبب ياخال ، جُوزتها بعد بوي ما مات .

الخسسال: كت تريد أفوتها من غير جواز يافواز ؟ دى برضه حرمه وكان لابد استرها . وبعدين أنا ماجوزتها للغريب . أنا جوزتها لعمك .

حسسان: عمى ؟ اللي كُلُ مالنا واطياننا.

التخسسال: وعشان اكده خوك فواز عمل معاه اليوم عاركة. « خبط على الباب »

فيسسواز: « من الخارج » افتح ياخوى أنا فواز .

حسسان: أدخل يافواز . افتحى له ياهند « يدخل فواز »

الـــراوى، « متحركا تجاه فواز »

فواز ده شهم وجدع لكن الظسروف أقوى . واد فى الحقيقة نطل . لكن الظروف أقوى . واد كان فتوه قوى . لكن الظروف أقوى . فهم ونجابة وذكاوة . لكن الظروف أقوى . حكمت عليه وابتدى ينفذ الأحكام .

أيد جابك هنا يا خال ؟

المخسسال: جاى أطمن عليك.

هـــواز، ماتخافش على ياخال / أنا زين.

الخسسال: عارف ومتأكد من اكده يحميك ربنا ويكملك بعَجلك . حسسان: ليش طالبت عمك بالأرض يافواز ؟ أنا سبق وجولتلك خليك في علامك وأنا اللي هاتفاهم أمعاه لما يجون الأوان .

فسسواز: أمك مسش رايدانى معاها فى البيت . هى اللي اضطرتنى لكنه / وكمان أنا مش جادر أصبر أكتر من اكده .

حسسان ، وبعد هالك يافواز . أنا عاوزك تنتبه لعلامك وبس . لزمًا تكون الأول على زملاتك زى كل سنة .

فــــواز: لا ياخوى أنا مش عباوز العبلام ، أنا عبايز اشتغل المحمل امعاك ، أنا كبرت ومش معجول أسيبك تشيل الحمل وحدك . مش معجول أستنى زى الصغار .

حسسان، ماهو العلام في المدرسة شغل يافواز، أنت لازم تكمل علامك لاجلن تكون حاجة كبيرة. عاوزك تكون ضابط شرطة، عاوز تكون لك هيبة.

« تدخل هند تحمل الشاي » .

هستنسك والشاي ياخال اتفضل الشاي يافواز.

الخسسال: اتجعمصي ياهند.

هـــنــد أنا بدى أتكلم معاكم يا رجالة.

حسسان ماتتكلمي ، ولا لسانك يزلف بكلمة ياهند .

الخسسال: خبر أيه ياحسان؟ أيه الحكاية ياهند؟!

فـــواز: اتكلم ياخوى .

هستسك وجتله.

فــــواز: بتقولي جتله ؟!

الخسسال: زين مافعات باحسان / كان لازم تجتله / كان دايما بهددك / ودى هي الطريقة اللي تضمن سكاته بها .

حسسان تكان جاصدي اخد حجى . لكن هو اللي ...

الخــال: أنتى بتجولى أيه! الكلام ده صُح ياحسان.

حسسان: أنا ياخال ...

الحسسال: أنت عملت اللي كان لازم تعمله / لوماكنت جتلته كان لازم تعمله / لوماكنت جتلته .

هـــنــد عسان راجل ياخال مش حُرمه . خد حجه بيده .

فــــواز: ماتخاف من شئ ياحسان احنا ضهرك وهنحميك/ الشرطة ما ممكن توصلك .

هستسك ماحدا شافه وهو بيضرب صاحب العمل.

التخسسال: أمال أيه بس اللي مخوفك ، أسمع . أنت ماليسوم مالك صالح بشئ . ولا تشغل دماغك / أنا هاحضر لك بنُدجه وحتة طبنجة .

حسسان: وده ليه! أنا مش ممكن أشيل سلاح / أنا ماحبش الجتل. الخسسان: لكن أنت ماعاد لك تمشى بدون سلاح / لازم الناس تعرف أنك تجدر تحمى نفسك.

الخسسال: خبر أيه ياحسان أنت هتشيل سلاح وهاتمشى به جدام الناس.

حــسان: أنا أجدر أحمى نفسى من غير سلاح.

الغدر لزماً تعمله حساب / ولازم الناس تعملك ألف حساب / ولازم الناس تعملك ألف حساب / جوم .. جوم معايا يافواز .

فـــواز: لا يا خال أنا هاجعد مع خوى .

حــسان: البيت بيتك يافواز.

الخسسال: قوم معایا یافواز خوك لسه عریس ، اجعد عندی یومین و بعدین ابقی اجعد مع خوك كیف ماترید .

حــسان ، أنا جاى أوصلكم .

فــــواز، خليك جاعد. احنا عارفين طريقنا ياحسان. استريح أنت

حسسان، هوصلكم لأول الطريق.

« يخرجوا . لحظات ونسمع طلق نارى » .

هندوصل خه: حسان عملوها وجتلوك .

الـــراوى: حسان مصيره احتدم وبطلقة راح حاله وفواز طريقه ابتدى والتار ده راس ماله حسان ماراح هدر فواز اخد تاره وجد فواز اخد عدا فواز أخو حسان البال ما هناله

ولا كان بيجيله النوم ولا لحظة غفل .. نام .. مكتوب وبقى محتوم غير لما خد بالتار

فواز یاناس ابتدی صار الحلیم جبار حط اللثام وابتدی والعقل منه طار فواز ترك الدار صار بهوی ضرب النار صاده المصیر وابتدی یفند الأحكام ... وَحِدْ

الجسميع: لا إله إلا الله.

الــــراوى: انتوا غتوا منى ولا ايه .. أصحى يابنى أنت وهو « ينهر ً ... من بجواره » اللى جنبه واحد نايم يصحيه يا جماعة ...

رجــــل ۱ «أصوات متدالة»: احنا صحينلك ياريس .. كما ..

رجـــل ٢؛ وبعدين . . عمل ايه فواز .

الــــراوي «منشدا»: حليم وصار جبار

والعقسل سابعه وطسسار

فواز ماعدلوش دار فواز صبح رحال

عصفور صغير واندبح

لعب الهوى بريشه

غلب الرياح وانطلق زي الرصاص ريشه

ماعاد ياناس ينغلب

ريحة البارود عششت جوه نخاشيشه

عشق المصير والدم

صار يهوى ضرب النار

صاده المصير وابتدى .. ينفذ الأحكام .. وَحدْ

« مشهد العم مع فواز »

« في مكان ما .. عكن وأن يكون في مقدمة المسرح »

هـــواز: الحق مافيد خشا

- 44 -

السعسم: أيه اللي بتريده ياولد ؟

فــــواز: حَجى وحَج خوى ياعمى .

فـــواز: عهد وخدته على ياعمى ما ارجع بدون حَـجى وحَج

خوى ، ميراثى اللى تركهولى بوى .

السعسم: ياولد بجولك ارجع لوين ماجيت.

فــــواز اسمع یاعمی . أنت خدت منا كتیر / خدت فلوسنا وخدت طیننا وخدت أمای / بعد موت بوی فرجتنا وحرمتنا من لمتنا . سیبنالك البیت ومشینا / لكن دلوجت قسمًا بالله ماماشی من غیر ماخد حَجی . .

الـــــم: أمك اللي بتتكلم عنها دى مرتى .

فيسواز، والأرض .. الطين ؟!

السعسم: أرض أمك وأنا برعاها ـ

هــــوازه وأرضى أنا وخوى .

الـــعــم: أسمع ياولد / ماتكتر امعاى فى كـلام .. وأعرف أنى مابتهدد . وأعلى مافى خيلك أركبه .

فــــواز، كنت أجدر أخد حجى بس أنا جولت أجى أعرف ردك .

السعسم: «بسخرية»: يعنى هتعمل أيه. « يرفع في وجهه "السعسم، السلاح » مَشى ياولد من إهنه. لأطُخَكُ .

فـــواز: أنا ماشى ياعمى . أنا غلطان . أنا « يفاجئ عمه ويسقط السلاح من يده . ويمسك السلاح في يده .. » في سك السلاح في يده .. » في سكواز: حجى ياعمى / ياجوز أماى / الأرض اللي أنت بعتها .

الفلوس اللي أنت ضيعتها . ورثى وورث اخوى .

السعسم: ف.. فو.. فواز عيب ياولدى دانا فى مقام والدك . فسسواز: أخرس أخرس ياكلب . أنا دلوجيت أقدد حَجى . بس عشان أخد حقى كامل . فيه حاجة صغيرة لازمًا تحصل . الحاجه دى أنك تموت وبعد إكده أورثك « يطلق عليه النار »

الـــراوى: والحق حق ولو كان الزمان غدار.

والأرض عرض لزماً يحفظه.

فواز ماعاد خيًار .

ليله مالوش نهار.

« يحكى » مسا الفل عالرجالة اللي زى الفل . وَحِدُووه .

الجسميع: لا إله إلا الله.

الـــراوي:

الـــراوي:

وزى ماعرفتوا وقلتلكم . حسان اتقتل وفواز خدله بتاره . وعرف فواز طريق الانتقام وراح لعمه وطلب ورثه ولما رفض قتل عمه . فواز ماعاد حليم طيب ، انقلب من أليف لوحش . شال السلاح اللي مارضي حسان يشيله وعمل لنفسه في النجوع والكفور هيبه . « للجالسين » صاحين معايا ؟ . طب سمعوني الصلاة على النبي .

الجسميع ، الله م صلى عليه . ألف صلى عليك يانبى ..

«موضحا»: فواز ده جانب من الحكاية. الناحية التانية للحدوتة أو الطرف التاني بتاعنا :هند. الحكاية حكاية فواز وهند. وهند كانت حامل من حسان ولما مات حسان فواز انقطع عن زيارتها. وهند

كانت بتجيلها أخبار فواز كلها عن طريق أخوها على. وبعد فترة بعَتَتْ هند لفواز مرسال / طلبت تقابله عندها في البيت .

# « مشهد هند في البيت مع فواز »

فـــواز: خبر أيه يامراة خوى ؟

هـــــــــــــــــ كت باريدك في كلمة يافواز.

فــــواز: وأنا سداد . اتكلمي ياهند .

فيسسوازه وضحى ياهند عاوزه تجولي إيه ؟

هـــنــد: عاوزك تعيش معانا أهنه في الدار يافواز / أنت دلوجيت مالك دار تتاويك . واحنا . أنا وولد اخوك مـحـتاجين راجل يعيش معانا . يرعاني ويرعى محجوب الصغير .

فـــواز: تجصدی . . ؟؟

هسسنسك ، تعيش معانا يافواز / في الحلال / نتجوز .

الـــراوى: فواز صحيح كان صبى

ولكنه كالشجعان راجل وسابق سنه وفى الكلام قوال وفى المعركة كان عفي راجل بست رجال والست هند اهتدت

قالت مليش خيال

بعتت نادت له وراح لها في الحال.

عرضت عليه الجواز. وايه ياترى اللي كان ؟

د مشهد هند في البيت مع أخوها على ۽

عسلسى الكن ده مش محكن / إنت ناسية فارج السن اللى بينكم .

هـــنــد : اسمع ياعلى أنت فى المرة اللى فاتت عارضتنى فى جواز حسان / جولت أنه أصغر منى لكن اتجوزته / ودلوجت ...

على مقاطعا، حسان كان أصغر منك لكن فواز قد ولد من ولادك / أنت عديتى . الخامسين ياهند / فوقى لنفسك / فواز يادوب عشرين .

هستسد هاتجوزه ياعلى.

عسلسى: إكده . ماعاد خشا ولاحيا!

عسلسى: إتروى ولاتتعجلى ياهند / فكرى ، لوماكان عشان السن يبجى عشان خاطر كلام الناس ، يجولوا أيه !؟ يجولوا اتجوزت أخو جوزها .

هـــنــد و الباب مفتوح لك في أي وجت ياعلى .

عسلسى: إكده ياهند !؟. أنا خارج . لكن اعسرفي بأنى مش وحدى اللي ما موافع على فعلك هذا / أعمامك كمان ماهم موافجين ولا هيوافجوا على الجوازة دى واصل. « يخرج على ، وتظل هند واقف ، ويتحرك الراوى ليقف بجوارها »

السببراوي

«منشدا»: والست هند قالت والكلام كان سيف.

لافت على فواز وكان لها وكانت.

كانت له ستر وغطا

كانت له أم حنون

وكانت له زوجة وحبيبة متولفه بوليف

وهو .. من كلام الناس ماتهزش

وكان لها زوج .. وفي الأخلاص كان مخلص

وكان الأب لابنها وفي الأبوة كان مخلص

وَفَا بِالدِّينِ لِحُوهِ وكانِ مخلص

« مشهد هند في الدار مع فواز »

الأكل ياسيد الناس ... 

تعبتك معايا ياهند. فـــواز:

ما تجول کده آنت جوزی . سیدی وتاج راسی . لیه تحبولي اكده ؟

أنا محتاجك ياهند . خليكي ديما امعاى . ماتبعدى عن عيني . البلد كلتها وحوش وديابة . وأنا مش جدهم .

أنت جُدهم وجدود ياسيد الرجالة.

فـــواز: بس أنا لوحدى!

هستسد ما تجول اكده . إحنا عزوتك ما تخاف ابداً يافواز . أنت راجل والكل بيهابك ويعملك بدل الحساب ألف حساب .

فـــواز: «بعد لحظة صمت » أمال وين محجوب ؟ . أنا ماشاهدته اليوم .

هستسد نام . ظل ينتظرك / ولما تعب البكا نام . الولد متعلق بك قوى يافواز .

فـــواز: أجوم اطل عليه.

فـــواز، أطمن عليه جبل ما اكل .. ده أمانه في رجبتي ياهند . ابنك وابن الغالى .

هــــــد عزه ؟

فـــواز: أنتوا الاتنين كل حياتي

فــــواز: أنا مابعرف بدونك كت كيف أتصرف. أنتى وجفتى جنبى وشلتى الخَـوف من جوايا / أدتينى الشجـة وجوتينى ضد العدا.

هستسد الناس ولزماً الناس ولزماً الناس ولزماً الناس ولزماً الناس ولرماً الناس ول كلتها تعرف أنك سيدهم وماتتعجل أزرع الخوف جواهم وهددهم وهتشوف جد أيه صحة كلامي الكبير جَبْل الصغير هيجي ويسلم .

### \*\* ستار \*\*

ـــــ المفصل الثاني

السنيبة اللهم صلى عالنبي .

رج اوی .

رج كمل والنبى ياريس داحنا متشوقين لباقى الحكاية.

رج اله الم الماء سيبوه بس يتكلم يارجالة . اتفضل ياحاج .

السراوى الله يزيد مقدارك . صلاة النبى أحسن .

الجهيع: ألف صلى عليه.

السيراوي: المهم يارجالة . زى ما إحنا عارفين السنين بتمر / ومر على جواز هند وفواز . تمانية . تمن سنين وفيهم الولد محجوب ( ابن أخوه حسان ) كبر . وسنه بقى تمانية .

رج الأيام لما تمر.

السسواوي: وياسادة ياكرام. ياسعد يا إكرام. قصتنا / قصة السسواوي: الليلة دى. قصة فواز وهند. القصة لسة طويلة.

رجسل ١٠ واحنا معاك للصبح.

رجسسل ٢٠ أحكى ياراجل ياسكر.

السنوروي، والحكاية كلها في البداية اللي حكمها الظروف. وزي مالسنين بتمر / فيه حاجات كتير بتتغير . وزي ماكانت عادات الناس بتتورّث / كانت حاجات تانية بتتواري . ونفتكر مع بعض ياجماعة . هه . أماختبركم / اشوفكوا معايا ولا لاء ؟! « يُذكرهم »

هند لما كانت مع حسسان . جوزها الأولاني . قالت له كلمة . قالت له ماتخافش . الراجل مايخاف. ولما اتجوزت فواز قالت له نفس الكلمة قالت له ماتخافش . ولزماً ولابد بأن الناس دى كلتها تخافك . خليكوا معايا يامحترمين / فيه في الحكايتين حاجة مشتركة. ياترى أيه هي ؟ قولوا يارجالة .

> ایه یاریس ؟ رچــــل ۱ ه

> > الـــراوي:

لأ. صحصحوا احنا لسة في أول السهسرة. الحاجة المشتركة في الحكايتين باسادة كلمة الخوف. هند بدأت تشيل الخوف من جواه . وتقويه . وفواز بدأ في قلوب الناس يزرع الخوف. وهند تقويه / والناس كلها بقت بتجنى من وراه الخوف وخوفها يدويه والكرباج / حتى ولو كان مالوش صوت / لكن له صدى جوه النفوس خوف / هو اللي بصنع ناس وبيهدم ناس / إحنا الطّعم بتاع الخوف / واحنا ياسادة اللي بنوجد الخوف جوانا مهوش غيرنا.

الله أكبر ياريس / والنبي تاني / تاني ياريس.

الله يخليكوا . الله يخليكوا . حاضر . حاضر معاكوا

السنيكة قول ياأبو القواله. قول.

«منشدا»: والست هند ياناس كانت هي . وقفت معاه الواقفة اللي هي. رجــــل ۲ ه

السيراوي: من تاني .

حبته أكتر من اجوازها اللي قبله / ياناس هي .

حنت عليد .. حبته .

حنت إليه . . عشقته .

أدىته أكتر.

وقفت معاه . ومنها أخد فواز قوته / هم أ. .

شالت الخوف من جوفه.

زرعت مكاند .. العزم والقوة / هي .

#### « مشهد هند وفواز »

( فواز رغم قوته يبدو وكأنه قرم أمام هند التي تتحدث إليه وتنصحه . وهو يقف أمامها يسمع ولايتحرك . وهي تدور حوله ) .

واصل . خَـوِّف ولاتخافيشي أبدا / ديما تكون أنت البادىء بالهجوم . أياك تسلم لخصمك . أو تسالمه / حدد مكانك ومن وين ماكنت / أعمل مابدالك . بس تكون عسارف أنت أيه وأنت فين . وتكون عسارف بالضبط أيه هو حجمك اللي أنت بتريده. مش اللي الناس عاوزاه . حَرِّص ولاتخونش . خَوف لكن ماتخافش.

وإياك تعقف وتسردد . أياك لسانك يلجب ولا يتلجلج . إياك تقول لكن . أو تقول مالكنش .

ديما تكون عازم ماتترددش.

واسمع كتير للكلام . اسمع ماتتكلمش .

وأوعاك تكتر مالوعود . عشم ولاتوعدش .

السيراوي: وتاني ندخل في الحكاية.

بس أنتوا كونوا معايا .

الجسميع: معاك ياريس.

السنيسة: معاك ياأبو القوالة. معاك للصبح.

السراوی: نرجمع لمرجعونا . ونأکد تانی کلامنا نقول : « منشدا » .

· فواز بهند لقى سعده .

وخاله جانبه كان ساعده.

وضموا ليهم على واتواعدوا.

وصاحبه مرسى وقف ساعده.

والكل وقفوا مع فواز واتعاهدوا.

«موضحا»:

يعنى بقوا عزوه . فواز وهند مراته وخاله . «سائلا» . ومين كمان يارجالة ؟

أخو مراته . على .

رجسله

د مشهد فواز ومرسى والمحجوب »

ـــوسى: أنا مديونلك بعمرى ياريس فواز .

انت صاحبي يامرسي . وكان لازم أعمل اكده . في المرسى المراد العامل المده .

مسرسى: كنت واقف قبل مايقتلنى.

عب وازه کان جایلك من وری ضهرك . یعنی مش راجل !

خدت باللي . ضربته . وساعدتني في دفنه .

فسسسواره ولغاية دلوقيت مايعرفوش حاجة عن موته . والاحد هيعرف الأن سرك في بير .

مسسوسى، أنا مديونلك بحساتى / أطلب منى أى شئ ياريس فواز .

فيك عاوزك تكون أيدى اليمين يامرسى . وأنا لتقتى فيك عاوزك تكون أيدى اليمين يامرسى .

مسسوسى دخدامك ياريس فواز.

فــــوازه متقولش أكده يامرسى . أحنا مع بعض . وأنا اللي عاوزه بس / أنك تكون أمعاى .

مــــوسى، شكلك عاوز حاجة. قول ياريس. فيه أيه.

هــــوازه عبد الله حندل.

مسسوسى: بيتكلم فى حقك كتير . تحب اخلصلك عليه . ؟

الم الكلام . أدبه بالكلام .

مسيرسى: عُلم. وهاتصل بيك إزاى.

هــــواز، أنا اللي هتصل بيك .

محموب: خالى بره ياريس.

في عند » قوله يدخل يامحجوب « يدخل الخال وخلفه هند » جهزت السلاح اللي طلبته .

الخــال: جاهزياريس.

عليه ؟! وأنت ياريس . الهيش اللي قلتلك عليه ؟!

مسسوسى: جاهز. ولاحدش يعرف مكانه.

السيواز: وأنت ؟

مـــوسى، لو عاوزنى أنسى مكانه. أنساه.

ه عيشي معاى في الهيش ياهند ؟ هنور الهيش ياهند ؟

محبوب وأنا ياعمى . جاى معاكم ؟

انت قبل منى يامحجوب. مقدرش أمشى من غيرك . عدر أمشى من غيرك .

انا اللي اختار دراعي اليمين ياهند « نلاحظ تغيير أساميه »

( .. يتحرك ويمسك بيده كرباج كان معلقا على الحائط ويضرب به في الهواء ... )

دى سكتى « يكلم نفسه » أنتم اللى اختارتوا سكتى . سيبولى حاجة أختارها بإرادتى . أنا اللى هاختار الطريقة اللى هتعامل بيها معاكوا ومع الناس .

هستسد أنت سيد الرجال يافواز .

السوار « يضرب بالكرباج في الهواء » ريس فواز ياهند .

« لحظة صمت »

اتفسطلوا بره دلوقت . « يخسرجسون اسستنى أنت يامحجوب ( يقترب محجوب منه . يميل فواز عليه يحدثه ) .

عسم الله عامي المعاي . أنت الوحيد اللي حاسس بأنه صادق امعاي .

محبوب، أنت كل حاجة ليي ياعمى.

انا مش بالقوة اللي في بالك يامحبوب. أنا خانف.

محبوب الع متقولش اكده ياعمى . أنت أكبر مالخوف .

الخوف مالوش كبير.

محجوب لكن أنت الناس كلها بتخاف منك .

فسير على خوفهم مش منى . خوفهم من ده « يشير على السلاح» . وأنا ماكنت عاوز يكون السلاح هو اللى بينى وبينهم . لكن لع . كان لزمًا يكون اكده . همه اللى اضطرونى / الطريق ده هو اللى يجعل الناس تعطيك حقك . مايجعلهاش تطمع فيك / أنت يامحجوب لازم تتدرب على السلاح من دلوقيت .

مسحبجوب، أشيل سلاح ياعمى ؟!

فسيحميك . أنا هاديلك حتة سلاح /تحافظ عليها قد روحك / السلاح اللي تحميه يحميك . مش عاوزك تكرر غلطة بوك اللي رفض يشيل سلاح .

اللى تشوفه ياريس.

محجوبه

شــــــواز، خليك دايما ملازمنى يامحجوب. أنت مش ابن خوى وبس. أنت ابنى . عارف يعنى أيه / أنا ماخلفتش صحيح . لكن أنت عوضى عن الخلف يامحجوب .

وأنا بحبك قوى ياعمى « تدخل هند ».

عساء الخيرياريس.

فــــــوازه عاوز أيه يا على ؟

عسلسي، أقعد أول ياريس. أنت ديمًا ...

الماعدليش روح والاصبر . أنا ماعدليش روح والاصبر .

هستسده ده ماتهدی أمال يافواز.

« يضرب بالكرباج في الهواء » .

الح ياهند . أخرجي أنت . عالم الح ياهند . أخرجي أنت .

( تخرج هند وتأخذ محجوب في بدها )

الركى الولد أنا عاوزه معاى . أنا عاوزه معاى .

هستسد اللي تشوفه ياريس « تخرج وحدها »

فــــوازه خيرياعلى .

عسلسى: البرادعة عاوزين يشوفك.

المسسواز، وهيعوزوني ليه ياعلي .

عاوزين أيه . عاوزين أيه .

عسلسي: عاوزينك أنت ياريس وإلا كانوا قالوا لى عاللى عاوزينه وبعدين . همه قالوا ... « في تردد » .

السيواز، قالوا أيديا على . ؟

عسلسى: قالوا أنهم مسش عساوزين مسرسى ياخد خبر بالموضوع بالموضوع

السيوارد مرسى واحد من رجالتى يا على وكان لازم ترد عليهم بالقول ده .

عسلسى، كُصل ياريس. لكن أنا بابلغك بكل اللي قالوه. وأنا

عن نفسى مش مرتاح لهم / وهند مرتك قالتلى أن البرادعة ...

عضب»: وأيه اللي بلغ هند بالكلام ده ؟ عضب الكلام ده ؟

عساسى: أنا ياريس / قبل ما أدخل.

على تعمل اكده . الكلام يكون امعاى . الكلام يكون امعاى .

عساسي: أنت اتغيرت ياريس.

« تدخل هند بالشای » .

محجوب، أقول رأييي ياريس.

السيواز، أتكلم يامحجوب.

محوب: خالى على يروحلهم مع مرسى .

عست الريس يافواز . وخليك ديما للأمور الكبيرة .

فسسواره « ضاربا بالكرباج فى الهواء » توصلهم ياعلى وتبلغهم بأنى وافقت أقابلهم / لكن هما اللى يجونى .

المسوار، تبلغهم بالكلام ده / والمكان .. هنبلغهم به بكرة .

عسلسى: اللى تشوفه ياريس.

السيواق تقولهم كمان .. كبير البرادعة هو اللي يقابلني . ولوحده .

المند عادة عاد المناهد المناه

عليد . وازه خلاص . روح أنت ياعلي . بلغهم باللي قولتلك عليد .

عسلسى: يوصل ياريس. سلام عليكم « يخرج ».

المسيواز: وأنت يامحجوب . أدخل نام في سريرك .

محبوب: تصبح على خير ياعمى « يخرج » .

هـــــــــــــــــ فواز'/ أنا عاوزاك تسمعنى .

فـــوازه اتكلمي ياهند.

ارجوك ياهند أنا تعبان دلوقيت ومش عاوز اتكلم مع حد .

هستسد وأنا خايفة عليك / ولازم أوضح لك حاجات أنت مش واخد بالك منها . كل اللي حواليك هنا مخلصين لك . كلهم رجالتك وخايفين عليك . أنت الراجل بتاعهم اللي يسندوا ضهرهم عليه ، عشان اكده لازم ترخى معاهم ...

فــــواز، بس لازم أعاملهم اكده . مش علشان أعسابى تعبانة . لأ / عشان عضمهم ميقواش على .

هستسد بس دول کلهم بتوعك . خالك وخوى على . وصاحبك منه مرسى . وأنا / يعنى مافيسه حدا غريب تخاف منه أو من غدره .

فسسواره أنا فعلا اتعلمت منك كتير ياهند . بس معلهش سيبيني دلوقيت أتعامل بطريقتي اللي أنا شايفها صُع .

هستنسك و اللي تشوفه ياريس. فيه حاجة تانية عاوزه أقول لك عليها.

فـــوازه أبه تاني

الـــراوي:

هستسك عن يافسواز . أنت شاب ومن حقك تفرح بخلفك لكن أنا ...

في الموضوع ده . هند . ماتتكلمي في الموضوع ده .

هستسك: أنا مسش عارفه أقولك أيه يافواز . بس ده نصيبى . قطعت الخلفة في السنة اللي اتجوزتني فيها .

واق: قلتلك ياهند . أنت مرتى ومفيش شئ ماللى بتقوليه ده بيشغلنى . ثم أنا عندى محجوب ابنك وابن خوى أنا أبوه اللى مربيه . مش عاوزك تتكلمى فى الموضوع دا تانى / اللى أنى ظلمك امعاى سيبتى البلد وقاعدة امعاى اهنه هنه وسط الهيش اللى ماحدش يعرف مكانه حتى القريبين لنا .

ـ انت جوزى ولازم أكون معاك عالحلوة والمرة .

الخوف رمى بذوره جوه القلوب.

واما لحصاد آن أوانه بين الضلوع.

« یحکی » وفواز یاسادة یاکرام / خافت الناس منه وزی ماعرفنا بقی مطارد / ساب داره وراح یعیش وسط الهیش .

رج سل ۲۰ معلهش ياريس ولو فيها رزاله . الهيش يعنى أيه ؟! أصلها كلمة قبلى . أعذرنا أحنا ناس بحاروة .

#### الـــراوي

«يحكي»: الهيش ياسيدي عبارة عن مكان وسط المزارع الناس بتعمله وتُدارى فيه. ونرجع لمرجوعنا ياسادة ياكرام ونقول أن فواز صيته وصل البلاد التانية اللي حواليهم / وبقت الناس في كل قرية وفي كل مكان أصبحوا يتكلموا عنه وعن بطشه / وفواز ياكرام بقى يباع ويشترى / يعنى الناس بقت بتأجره عشان يعمل لها مهمه بأجرته . مهمة قتل . سرقة . تسميم مواشي ...

بقى كل واحد يحتاج شجاعة يروح لفواز . كل واحد يحتاج لتار مافي عنده غير فواز. كل من يحتاج سكاته ماعنده غير فواز . كل من يحتاج كلام يجرى ويشتريه من فواز .

«يحكى»

باختصار . كل شئ في البلد بقت المشورة فيه لفواز . لو واحد خد بتاره . يكون فواز المطالب برفع التار / ويأخد أجره / ويرجع ويرفع التار عن اللي قبتله / ويأخذ برضه أجره. فواز بقى من خوفه مابيرفضش أى عرض قدامه وبدون تفكير.

« مشهد كبير البرادعة وعلى بين المزارع »

الكيبيسوه الريس فواز اتأخر.

عسلسيء الريس زمانه جاي . انتظر ياراجل .

الكبيره أكتر من أكده ياعلى ؟

عسلسى، مُهل نفسك شويه ياكبير البرادعة.

الكبير، أكتر من أكده / ساعة قاعد القعده دى ياعلى ، أنا كبير البرادعة . يرضيك أكده .. ؟

الكيسيس عشان أكده أنه جيت بنفسى .

عسلسى، مش أنت اللى جسيت . الريس هو اللى طلبك . خلى كلامك مظبوط ياكبير . صُح اكده .

(يدخل فواز ومعه محجوب) .

في طلباتك ؟!

الكبير « مرتبكاً » الريس فواز . أنا . أنا .

عليات الله ؟ طلباتك ايد ؟

الكبير أحنا . أحنا ...

عــــواز، أنت أيه وانتوا مين . اتكلم أنا مش هقف أكتر من تلت دقائق أمعاك .

الكبيسود أحنا عيلة البرادعة لينا تار ومفيش غيرك ينفذه.

في وليه ما يخدش بالتار صاحب الدم واحد من عندكم .

الكيبير الونفننا هيجولك ويطلبوا منك تأخد التار منا . واحنا مانقدر نتعداك باريس .

في واحد مين رجالتي كان ممكن تنهي معاه الاتفاق . / يبقى كان ليه إصرارك أنك تقابلني . على العموم . على هينهي معاك الاتفاق . وهادّفعك تمن جيتي اهنه ياكبير البرادعة .

الكيبير مش تعرف مين اللي هناخد منه التار.

فسل الريس فل أى بلند مش هتكبر على الريس فل الريس فواز .

الكبيير، معلهش أعرف مين وبعد أكده أمشى .

قــــواز هيكون مين ياراجل اتكلم .

الكبير هتكلم بس عاوز نكون لوحدنا .

على » . مين انطق ؟ على » . مين انطق ؟

الكبيسره مرسى الدغيدي.

المسيواز، مرسى . ؟! راجلي ؟!. أنت بتقول أيه ؟

محجوب أنت أتجنيت ياراجل!

الكيبيره أسمعنى ياريس . أكمل كلامي أول.

فسيسواق (غاضبا): مرسى دا واحد من رجالتى . وصاحبى . وصاحبى . والبرادعة تعرف زين أنه دراعى اليمين .

الكيبير كل واحد مالبرادعة هيعطيك فدانين. يعنى هتاخد ٣٠ فدان .

المسوالة حتى لو البرادعة أدتنى طينها كله .

الكبيرة وعشر تلاف جنيه. تأخدهم قبل ماتتم عمليتك.

مسيواز: دا واحد من رجالتي ياكبير البرادعة .

الكبيسو والسلاح اللي هتستعمله هيكون هدية مالبرادعة للربس فواز . وادى طبنجستى اتفول ياريس . وهنعطيك حتة آلية كمان .

اسمع ياراجل . أنت ترجع للبرادعة . تقولهم فواز مايبيعش واحد من رجالته ولو بكنوز الدنيا .

الكبيره حتى ولوكان خاين ؟

السيوازه أخرس أنا رجالتي ...

الكبيره « يقاطعه » كَلّ ماعليك طبنجة . وأنا عارف مكبانها . إسألوه عن عملية الدهاشنه . وهو هيخبرك ...

فسسواق، أنا ماسألش. أنت صادق وأنا واثق من كلامك. لأنك ما تجرؤش. ولا أى واحد مالبلد كلتها يجرؤ أنه يكدب على .

محصوب: عمى ؟! ريس فواز . أنت هتصدقه !؟

أسكت أنت يامحجوب . إسمع ياكبير البرادعة . مسش فواز اللي يغدر برجالته . حتى ولو غدر منهم واحد . أنا أعرف أحاسبه بطريقتى . إنما أنا ماغدرش براجل كلت معاه عيش وملح . مع السلامة ( يهم بالخروخ ) ..

إسمع مش عاوز حد يخبر بموضوع الطبنجة ده.

الكيسير، أوامرك ياريس -

هـــواز ه

فيد. مع السلامة .

ولوحد مس شعره واحدة من مسرسى . أنا للى هتصدر واحدة من مسرسى . أنا للى هتصدر وساعتها البرادعة كلها مش هتكفينى تار

الكبيره سلام ياريس « يخرج » .

محجوب تسلم ياريس « فواز لايرد » .

محجوب، أنا كنت خايف تكون.

فـــواز: تبقى لسه معرفتش مين عمك / معرفتش إزاى تكون ريس « فواز يكلم نفسه » . لكن المرارة جواية مالغدر من أعز الناس . صاحبى ودراعى اليمين !! مرسى . أنا مش مصدق نفسي .

محجوبه وناوى على أيه ياريس.

ه أحرُص منه . لكن مش هخونه . الكن مش هخونه .

السسراوى و فواز يارجالة كان جواه خوف . ودخل جواه الشك وحس بالوحدة . بقى يشك فى كل اللى حواليه . فواز ياسادة ماعاد بيرتاح . ماعاد يأمن ينام . الناس كلها تخافه / لكنه مابيعرف ينام مالخوف .

انا ما كنت عاوز الناس تخاف منى .

المسراوي: الطريق كان قدامك وأنت اللي اختارته.

الطريق كان غصب عنى / مشيت فيه ومش بخوطرى .

الــــراوى، لكن أنت اخترت واللعبة عجبتك ومشيت فيها .

الناس بتخاف منى لكن الخوف جواى بيقتلنى . الخوف مالغدر .

الــــراوى و في الناس / لكن الخوف مرض / الحسواوى و مرض / والمرض مُعْد . وفواز ماكنش مِتْحَصّن ولاكان مِطْعَم ضد الخوف . انتقلت العدوى جواه .

## ر مشهد فواز وهند پ

« فواز وحده . تدخل عليه هند في الهيش »

السيسوال: تعبان . تعبان قوى ياهند .

في عبان ومحتاجلك ياهند .

السيسوال: محتاجلك زى زمان . ويمكن أكتر .

هستسد وأنا معاك . ماسبتكش أبدا . أنت اللي غيرت طباعك كل يوم تبعد عنى . قرب منى يافواز أنا عمرى بعدت عنك . فضفضلي باللي جواك .

اللي جوايا كتير / مَحَدش يقدر يشيله . عَدر يشيله .

هستسد أرمى على وهو احنا نشيله مع بعض .

هـ مش عارف أقولك ايد .

هـــــــد ماقلتلك مالأول . بلاش مرسى . على خوى كان يبقى دراعك اليمين .

فـــواز، مش دا المهم ياهند . الموضوع أكبر من اكده . أنا محتاج لضهر يحمينى .

هستسده أحميك بروحي يافواز.

اللي تحميه عارف ، أنت قداها وقدود . لكن مش فواز اللي تحميه حُرمه / وأنت عارفه اكده !

**المسواز:** مقدرش / أكدب عليك لوقلت أنه ينفع . على زيه زى مرسى .

هــــد ببقى خالك .

انا متأكد من كلامك ده ياهند / بس . بس .

عبت راجل . بس زى ماقلتلك .

هستسد و لولا الملامة لقلتلك محجوب يحميك .

السسوار: ياريت. لكن لوحده مش كفاية ، ياريت. كان عندى ولاد . أنا بدأت أعرف يعنى أيه ولد من صلب الواحد . بدأت أعرف أزاى الواحد ينام وهو مطمن لما يكون عنده ولد يحرسه ويخاف عليه . أنا خابف ياهند مالغدر . مش مطمن لأى حد .

هستسه خلاص يافواز . يبقى ما فى غير محجوب . وهو ولدك وأنت اللى مربيه .

هــــوازه لكنه لسه صغير. أنا باحميه. أنا ضهره.

هستسله الصغير بكره يكبر . واهه أنت وهو هتكونوا لبعض .

فسسواقه الولد لسه عسوده طری مایقواش للدفها عن نفسه . ومحجوب لازماً ینام وهو مطمن بأنی ضهره اللی یحمیه . هیکون ضهری لکنی لازماً أحافظ علیه / ولما یقوی عوده ویکسر یبقی یحمینی . إنما دلوقت ...

هستسك أسمع يافواز . هو ده الحل ومفيش غير اكده . أنا ومحجوب .

هستسك تندرب يافواز / ولاتفكرش في شئ . خالك اللي هيدربنا .

فسسواق الع / أنا اللي هدربكم . كنت باحلم بعروة أقعد وسطيها / أدربها / كنت باحلم بعزوة تحميني وارتاح ليها وأطمئن من ناحيتها .

لساك يافواز بتحلم بالعزوة . بتحلم بالولاد . على عينى يافواز أنت عارف أن ده الشئ اللى مش بيدى . أنت عارف أنى خلاص قطعت الخلفة . لكن أرجع وأقول . أنت ذنبك أيه . لو لساك بتحلم بالولاد يبقى لزماً تتجوز . أيوه تتجوز يافواز . بقولها لك بلسانى من ورى قلبى . بقولها لك يافواز قبل ماتفكر فيها لأجل تكون جت منى أنى .

فـــوازه هند . أنتى بتقولى أيه ؟

هستسك، أنجوز يافواز . هاتلك اللي تخلف وتجيبلك الضهر اللي من صلبك . أنت لسه صغير يافواز . أنت .

النقوليش اكده ياهند . ده أنتى اللى لى فى الدنيا . أنتى الرحيدة اللى بارتاح لها . مش ممكن أفكر فى أنى أخسرك . مش مكن ..

(خبط عالباب)

« یسمع صوت مرسی » ده مرسی . اتفضل یامرسی .

السيواز، خير يامرسي . فيد أخبار جديدة .

مسريسيء العوايدة.

فسيسوازه مالها ؟

مسروسي عاوزين يصفوا حسابهم مع البرايشة .

النفق معاهم.

مسسوسى: طالبين يتفاهموا معاك أنت.

فلتلك اتفاهم معاهم . اتفق وخلص .

مسسوسى انت برضه الريس ولك كلمتك اللى تمشى على الجميع وأنا شايف أن وجودك بينهم ضرورى . عشان . عشان .

المسبواق: عشان أيه يامرسي .

مسسوسى: يعنى . بيلحاولوا يميلوا دماغ خالك / فليله ناس عاوزينه يدخل ويحل الموضوع سلمى .

انا مش عارف أيه اللي رقق قلبه اكده. أيه الموضوع بالظبط مش فاهم. واحد بقى حنين وقلبه رق والمداد والمداد والمداد والتانى على ومن يومه وأنا مش مرتاحله / فيه

حاجات في تصرفاته مش فاهمها . وأنت .

مـــوسى: أنا ؟! فيد أيد ياريس.

العوايدة . العوايدة . العوايدة .

مــــوسى: مش قبل ماتقولى . أنت بتفكر في أيد ياريس .

فسسوازه مش وقسته بامرسى . قلتلك تروح على العوايده و وتخلص امعاهم .

مسسوسى « لكن همه عاوزين الريس ومُصرين على اكده .

المسوال: وأنت رأيك أيه .

مسسوسى « رأييى أن وجودك ضرورى وأنك لزمًا تظهر كل حين ومين وسط الناس .

العدايدة بأنى هستنى كبيرهم بكره وأبعت للبرايشة كمان .

مسسوسى: البرايشة! ليه ياريس؟

السيوار نفذ اللي بقولك عليه . كبير البرايشة يجيني بعد ميعاد كبير العوايدة بربع شاعة .

مسسوسى، والمكان ياريس هيكون فين ؟

المسيواز، هخبرك عليه تبلغهم بيه بكره.

منسوسي أوامر تانية ياريس ؟

السلامة أنت ، ابعت خالى . السلامة أنت ، ابعت خالى .

مـــوسى، حاضر ياريس. السلام عليكم. « يخرج. تدخل هند »

البرايشة والعوايدة . وطالبين مقابلتي . وطالبين مقابلتي .

هسنسه وهتقابلهم؟

انا قررت ومش هافكر تاني . أنا قررت ومش هافكر تاني .

انا عايز أقعد لوحدى شوية ياهند .

هند . ارجوك ياهند .

ارجوك ياهند سيبيني لوحدي .

هستسد انا مش عارفه . أنت ليه بتفكر كتير . الناس كلها بتخاف منك وكل يوم خوفهم بزيد . تبقى بتفكر في أيه ؟

السيواز، وأيد نتيجة الخوف ده ؟

السيوازه « يكلم نفسه » مفيش قدامي غير الطريق ده .

فسسوازه خايفه على لاضيع منك.

هستسده ماتفرقش. لكن آنى خايفة عليك زى ابنى .

فسسوازه هند . أنا اخترت سكتى غسب عنى . ماتحوليش تأثرى على . أنا طالما بقيت فى الطريق ماينفعش أكون نص نص . لازمًا أكون شديد . مش لازم أضعف « يضرب بكرباجه فى الهواء » .

السراوى، فواز ده كان يارجال.

ياسعد يااكرام كان قبل هند ضعيف.

لكن قسوى بيها / سمع الكلام منها / شق الطريق بيها .

واشتد عوده وساعده . ما غاب للحظة عليها .

« يحكى » لكسن فواز ياسادة . لما عسوده قوى وحسس أنه مش محتاج لمساعدة حد . أصبح عنيد الرأى / ماعاد يحب يسمع لكلام أى حد/ ولا يأخد برأى اللى حوليه . استغنى عن مشورة هند/ ماكنش يلجأ لها إلا لما كان يحس بالخوف جواه .

# « مشهد في وسط المزارع »

فواز وكبير العوايدة ومحجوب » .

العوايدة . طلباتكم أيه ياكبير العوايدة .

كالعبوايدة لنا أرض عند البرايشة . وأنت اللي هتجيبولنا .

الماعندي وقت؟! وضح . أنا ماعندي وقت؟!

كالعوايدة الأرض حسنين ولد هاشم البريشي واضع يده عليها .

فسيسوازه الأنها أرضه

كالصوليدة الأرض ملك خُوى محمد الصغير . ودفع نص تمنها . واتفقنا يدفع النص التاني بعدها بشهرين .

فسيواز: قصر في الكلام.

كالع وايدة خوى رفضوا يعطوه الأرض. وطلبوا ضعف التمن الباقى .

فسسوازه وابه طلباتكم ؟

كالعبوليدة عاوزين ناخد الأرض. وياخدوا بقيت حقهم حسب الاتفاق.

فــــــــــواز: وإن رفضوا .

كالعبوايدة احنا قصدنا الريس فواز عشان ماحدش يقدر يكسر كلامه .

البلغ الباقى كام ؟

الكالعبوايدة مدفوع عشرين ألف وباقى لهم عشرين.

الله عشرة آلاف . أنا لي عشرة آلاف .

الكالعبوليدة نخليها خمسة ياريس.

عشرة (يضرب بالكرباج في الهواء).

العسوايدة وجب ياريس.

في مرسى الفضل مع السلامة تقعد جنب الساقية هتلاقى مرسى هناك . تقعد امعاه . ولما ابعت لك محجوب تعاود هنا تانى .

كالعبوايدة أوامرك ياريس « يخرج » .

« يتحرك فواز إلى اليسار »

فـــواز، «مناديًا على » . ياعلى « يدخل على » ك البرايشة معاك ؟

عساسی، موجود باریس.

فـــوازه اجعله يحضر هنا.

عسلسيء

أوامرك ياريس.

فسسسواق، أنت يامحجوب الازمًا تاخد بالك من كل شئ بيدور حوالينا . أنا واخدك امعاى في كل مكان عشان تتعلم . تاخد خبْرة / ماتكونش لحمة طرية لحد .

محجوب العصمى واعلى لكل شئ . أطمن المحجوب راجل « يدخل على ومعه كبير البرايشة » .

فسسوازه أنت كبير البرايشة.

كالبريشة: خدامينك ورجالتك ياريس فواز.

كالبرايشة: دى أرضنا ياريس . العبوايدة مبالهم أرض عندنا . مادفعوش تمنها . يبقى مالهم أرض عندنا .

في أنتوا اللي خلفتوا الاتفاق .

كالبريشة ابتفقنا على أربعين ألف لكنهم مادفعوا غيرعشرين.

فيهم . لكنكم رفضتم .

الكالبريشة الأرض جابت ٨٠ ألف.

الكن أنتوا اتفقتوا وبعتوا .

كالبرايشة ماوفوش الاتفاق. الدفع كان متأخر.

البرايشة رأيهم أيه ؟ البرايشة رأيهم أيه ؟

كالبرايشة: العوايدة يستردوا فلوسهم / العشرين ألف اللي دفعوها ، ويادار ما دخلك شر .

في وان رفضوا ؟ على الله وان رفضوا ؟

الكالبرايشة: مش هيرفضوا كلمة الريس فواز . ماحدش في البلد كالبرويشة والمنطقة المنطقة ا

**فیسسواز:** أنا لی عشرة تلاف . « موجها كلامه لمحجوب » أجرى نادى كبير العوايدة يامحجوب .

المحسج وب: حاضر ياريس « يخرج » .

كالبريشة نخليهم خمسة ياريس.

السوارة الاف « يضرب بالكرباج في الهواء » .

كالبرايشة: وَجَبُ ياريس. لكن مين من العوايدة اللي موجود هنا؟

في الشيخ مهاود أخو محمد العواد .

كالبرايشة، وجاى هنا ليه ؟

فـــواز عاوز أرضه وأنا دلوقيت هتفق معاه قدامك وننهى مشكلة الأرض دى .

« يدخل مرسى ومعه كبير العوايدة » .

**نسمع یاشیخ مهاود / أحنا اتفقنا علی عشرة آلاف ،** جاهزین ؟

كالعسوايدة فلوسك جاهزة ياريس.

فيهم جاهزين . وأنت ياحسنين / العشرة آلاف بتوعى اللى اتفقت فيهم جاهزين .

كالبرايشة حقك محفوظ ياريس.

فــــواز: وضح كلامك الفلوس جاهزة ؟

« يضرب بالكرباج في الهواء » .

كالبرايشة: «مرتبكا » جاهزة . جاهزة ياريس .

فسسسواره « موجها كلامه لمرسى » ترروح معاه يامسرسى هيعطيك العشرة تلاف . وأنت ياعلى « موجها كلامه لعلى » تروح مع كبير العوايدة تجيب اللى اتفقنا عليه .

عـــــــــ حاضر ياريس.

شوف ياشيخ مهاود . أخوك دفع الفلوس . وأنا مايرضينى أنك تستسرد فلوسه . عشان اكده نص الأرض اللي يَمْتكُم هتكون ملك خوك . كمان ياحسنين الأرض مَنها ارتفع . وعشان اكده

أنا شفت أن من حقك تبيع النص اللي يمتك بالتمن اللي يعجبك .

كالعبوليدة: لكن ياريس احنا جاهزين بباقى المبلغ اللى اتفقنا عليه مستعدين ندفعه دلوقيت وناخد الأرض كلها.

الكالبرايشة: واحنا ياريس جاهزين بفلوسهم نرجعهلهم وتبقى أرضنا عندنا زى ماهى ومن حقنا .

في بيعها يجينى وأنا أبيعها له في طرف يومين وأنب بيضرب المحادة الله والله في الهواء ». حسنين أنت تتمم اجراءات ملكية نص الأرض ، وأخوك ياشيخ مهاود . ميعرفش في بيع الأراضي ولا في شراها / عشان اكده لو فكر في بيعها يجينى وأنا أبيعها له في ظرف يومين .

كالعسوايدة: لكن ياريس.

فسسسواره مالكنش . الموضوع انتهى . قوم بينا يامحجوب / على ً / أنت هتجيب الفلوس من كبير العوايدة / وانت يامرسى تقوم دلوقيت تجيب الفلوس من كبير البرايشة واللى يثرثر بالكلام بدون داعى هندفعه التمن . واللى يعارض منكم . .

« يضرب بكرباجه في الهواء ».

فواز حكم ولا ظلم . بِلغَة الفلاسفة / العملية نقدر نقول أنها نسبية . مين اتنصف ؟! العوايدة ولا البرايشة / اللي اتنصف فواز . والناس خوفها منه بيزيد / وبطشه لما بيشوف خوفهم بيزيد . بلغة العصر / فواز استثمر خوفهم لصالحه .

الــــراوي:

## « مشهد فواز ومجموعته في الهيش » .

انت ياعلى اللي هتقوم بالمهمة دى .

فـــواز، لع . مرسى هيقوم بمهمة تانية / هياخد بتار البرادعة من سالم .

مـــوسى: كنت عاوز أتكلم معاك ياريس فواز .

فـــوازه مش وقته يامرسى .

مسرسى، ياريس ماعدت بتكلم معاك !

في اللي هتقوم بمهمة التاردي يامرسي . أسمع بُكرة خبر سالم .

مــــوسى: اللى تشوفه ياريس. لكن.

فـــواز، تضبط نشانك زين يامرسى . المرة اللى فاتت خانك النشان وهرب منك ابن الحوامده . معرفتش تطخه . لولا أنى كنت متابعك . عرفت مكانه وقتلته / لولا كده كانت فضيحتنا غطت البلد .

مسسوسى اطمئن ياريس / غلطة وماهتكرر.

انتوا عارفين أن الأحكام اللي ضدى كترت.

فسسسواز؛ يعنى حركتى جوه البلد لزمًا تكون بحساب. يعنى كل واحد منكم لابد وأنه ينهى عمليته بطلقة واحدة . لأنى مش هاتابعه / فاهمين / أنت معاك الآلية بتاعك ياعلى خد رصاصة واحدة من خالى وشوف شغلك .

عسلسى: وجب ياريس « يخرج » .

قــــوازه وأنت يامرسي « يعطيه طلقة طبنجة ».

مـــوسى: أيه ده ياريس ؟

فــــواز: طلقة طبنجة. هتنفذ عمليتك بالطبنجة اللي معاك.

مــــرسى: «مرتبكا» أنا .. أنا .. كنت عاوز أتكلم أمعاك

في الهواء » مشاطعا ويضرب بالكرباج في الهواء » مش وقته الكلام يامرسي . شوف شغلك .

« يهم مرسى في الخروج » .

في حتة « مناديا » مرسى . أنا هَغير مكانى هَعيش في حتة تانية . يعى ما تحولش تتصل بيا أنا لما هاعوزك هابعتلك المحجوب . مع السلامة « يخرج مرسى » .

الخسسال: أنت محتاجنا في حاجة ياريس؟

هـــــوازه أستنى أنا عاوزك باخال ...

الخال: طلباتك يافواز.

قــــوازه « يضرب بالكرباج في الهواء » ريس فواز .

الخــال: طلباتك ياريس.

في مشكلة ، يبقوا بيحتكمولى ، عشان اكده يبقى لزمًا تاخد رأييى .

اللح تسلل: ما هو الحكم اللي بَحْكُمه بيكون زي رأيك.

الع ياخال . أنت اتغيرت ، ضعفت . بقيت . . .

الخـــال: يابني اللي بيحتكمولى ، بيحتكمولى في مشاكل

بسيطة . يعنى حلها بسيط . ميلزمهوش ...

الع ياخال / ده مش اتفاقنا . إحنا اتفاقنا على الكبيرة والصغيرة .

الخسال: أنا خايف عليك يافواز . الناس ماعادت بتخاف منك بس / لع / دول دلوقيت بقوا بيكرهوك / وأنا باحاول أخفف من كُره الناس ليك عشان .

الع ياخال . أنا أقدر أحل المشاكل بنفسى . ومفيش داعى لخنيَّة القلب بتاعك دى « تدخل هند » .

الخسسال: فيه شئ تاني عاوز تقوله. أنا ماشي .

هستنى ياحاج . عوزاك .

الخـــال: عايزة أيد أنت كمان ياهند.

محوب: حاضرياامای «يخرج».

المسلواز عاوزة خالى في أيه ياهند ؟

الخـــال: خيرياهند. عاوزه أيه ؟

هستساه بنتك هدایات.

الخسال: مالها ياهند . ؟

الخيال: لخوك على ؟!

هستسد لبع / أنا طَلْبَاها معايا إهنه في الدار . باخطبها لفواز .

فـــواز، هند!

الخبسال: إنتى بتقولى أيه .. إنتى ... ؟!

هسينسد أنا بعقلي ياخال.

الخـــال الامكن تكوني بعقلك يابتي .

هستسد فواز عندی کل حاجة . وأنا شایفه انه محتاج لواحدة صغیرة تجیبله الولاد . واحنا مش هنلاقی حد یخاف علی عرضه زی بنتك هدایات . وأهی تبقی برضه من لحمه .

الخسسال: أنا بقول ...

المسمواق: ياخال احنا أنا .

هــــــد اسمعنى ياخال أنت مش هتيجيب لبتك راجل زى الريس فواز .

الخـــال، الريس فواز زين . وسيد الرجالة . وهدايات بتى ما تغلاش عليه . . . س أنا بقول يعنى . . .

الخيال: إيش قولك يافواز « فواز لايرد ولايبدى أى حركة » .

مستسد نقرآ الفاتحة ياخال.

الخــال: على بركة الله. نقرأ الفاتحة.

« يقرأوا الفاتحة ».

ولا الضالين آمين . مبروك يافواز / هدايات هتكون عندك من بكرة الصبح . سلام عليكم

« يخرج » .

مستسد مبروك يافواز .

فـــواز، إنتى ليه عملت اكده ياهند .

فـــواز؛ بس أنا محتاجك ياهند . انتى اللى ادتينى كل حاجة . ثقتى فى نفسى . والحب اللى اتحرمته من أمى . انتى اللى جمدتى قلبى ، أنا محتاجك جنبى ياهند .

هستسده ومحتاج الضهر اللي يحميك . محتاج للولد اللي من صلبك ، أنت قلتلي اكده . محتاج عزوة كبيرة ماالولاد .

فــــواز: كنت محتاجهم منك باهند .

فــــواز: لكن انتى .

المستغنى عنك . وأنا هاكون جنبك ياهند . عمرى ماهستغنى عنك .

السوار « يقف » معلهش . أنا تعبان الليلة . بدى اقعد لوحدى . نامى انتى مع المحجوب .

قــــواز تصبحی علی خیر یاهند « یخرج » .
( تتحرك هند وراءه حتی تتطمئن من خروجه . تعود فی تثاقل ) .

« تكلم نفسها » ادخل ونام يافواز . نام ياحبيبى . نام واحلم بالعُرس / صغيرة / جيبهالك بيدى / بيدى يافواز / جبتهالك بيدى « غير مصدقة » . جَالى . . بار وآيده جوه قلبى / آيده جوايه / أهون على الموت من انى أشوف اليوم ده / اليوم اللى يبقالى شريكة فيك يافواز / جَالى / نام يافواز / نام ياحبيبى / نام واحلم بالعرس الصغيرة اللى هتجبلك ياحولاد والعزوة / نام يافواز ...

\*\* ستار \*\*



\_\_ الفصل الثالث

الــــراوى: وياسادة باكرام . ولا يحلى الكلام إلا بذكر النبى عليه الصلاة والسلام .

الجميع عليه الصلاة والسلام.

الـــراوي:

السيراوي: أنا عارف بانكوا متشوقين تعرفوا باقى الى حصل.

السنيب في الشوق لك ولكلامك ياريس.

بقى ياسادة ياكرام . فواز اتجوز هدايات / واحنا عارفين بأن هند هي اللي جابتهاله بإيدها / ومن قبيل كده كان فواز زى ماعرفتوا زارع الخوف في النفوس . والناس عادت كلها بتخاف منه ومن بطشه . فواز من شدة خوفهم من بطشه عاد بيخاف . وكل مازاد الخوف جواهم . زاد جواه . وكل مازاد الخوف جواهم . وأصبح بيحكم بالسياط ( يشير بيده وكأنها كرباج ) . فواز من الخوف ظلم .

« منشدا » ياسارق الناس ياساقيهم العذاب والمر ياساقى الناس ياسارق منهم الأمان والبر أنت ياللى حالك لاعاد يرضى ولايسر . اصحى بقى . فوق . انتبه . السنين بتمر حالك دوامه أصبح محال . لك نهاية . ولا تظنيش بأنك راح تستمر .

السني فق ياسلام . ياسلام ياريس . سيد القوالين والله .

الموجودين، آه والله. الله يبارك فيك. إيه العظمة دى .

رج سل ١١ من غير مقاطعة . بعد إذنك والنبى ياحاج .

السراوى: عاوز إيه ياغالى ؟

رج اوز أتكلم شوية . والنبى ياحاج راوى . عاوز أقوم وأقول شوية .

السراوى: مش فاهم! تتكلم تقول إيه؟

رج اريحك يعنى على ماتاخد نفسك .

رج اله هو أنت تعرف تقول حاجة . ياراجل أقعد ساكت .

رج سلان الحاج راوی بجلالة قدره ونسمعك أنت! . أنت يا ابو نص لسان!؟

رج لل الله الله السمعوني ولوكلامي ماعجبش أبقوا أعملوا في اللي أنتوا عاوزينه . قولولي أسكت ولا تخلونيش أكمل كلامي .

الـــراوى: « يضحك » خلاص . خلاص يا غالى . نسمعه شوية ياجماعة اتفضل ياسيدى . قول وسمعنا .

رجسل ۱۳ ده ده . وده معتقول یاحاج . تبقی موجود ونسمع لغیرك ! لغیرك !

الــــراوى، معلهش ياخوانا . نديه فرصة . اتفضل قول ياسيدى .

رجسسل ١٠ فواز وكما قال الراوى ياسادة ياكرام.

الخوف جوه القلوب زرعه.

رمى بذوره وسقاه وزرعه .

وأما حصاد الزرع آن / مسك العصايا وجمعه . الخوف كان جوه القلوب ، ولما زاد داخل الشقوق .

لكن ياخوف أنت كتير بتتغير / وبتغير نفوس الناس / بتتغير ماسبت واحد – خدت الجميع – كبير وصغير / ماسبت حد ياخوف في حاله . خدت الجبان قبل الجدع / عششت في نفوسنا ياخوف قاصدي في نفوس الناس . كنت اللجام للسان . كلام كتير بيتقال . لكنه كان في السر . وحتى كلام السر ياخوف اتبدل . اتغير . خافوا من المواجهة ومن ياخوف اتبدل . اتغير . خلخلت القلوب الجأشانة بين الضلوع . خلخلت قلوبنا . قصدي قلوب الناس / الكبير منهم وقع / واللي وقع . موجوع / هزيت عروش ياخوف .

سكنت الناس في الأكواخ.

لكن أنت كنت في البلاط جنب العروش.

شلت الكفن للضعيف.

واللى لسانه كان شريف.

جهزتله في لحظة النعوش.

ياخوف . كفاية بقى .

كفاية بقى .

جوانا ماعاد مكان لك ولامطرح . ياخوف كفاية بقى . كفاية بقى أطلع . السنيسة، ياسلام. رأيك ايه ياريس؟

السراوى: لا والله يجى منك!

رج الله تشكر ياحاج راوى .. ده من ذوقك . تُشكروا يارجالة .

رج لله مبسوط دلوقت! أهو أنت خرجتنا من جوه الحكاية!؟

رج سل ۱۳۵ وبعدین یاحاج راوی کمل حکایة فواز . عمل ایه ؟

السراوي: فواز ماعد واثق في أي حد حواليه. بقى كل شهر والتاني وأحيانا كل أسبوع . كان يغير المكان اللي عايش فيه . كان بيغير مبيته يلم حريمه وولد أخوه ويتنقل .

« مشهد فواز يدرب المحجوب وسط المزارع » .

عاوزك تكون في الرشاش جدع ذى الطبنجة .

محجوب، ياعمى . أنا اتعلمت على الطبنجة بسرعة / لكن الرشاش كبير وتقيل .

الم الكيير . الم الكيام الكيام الكيام الكون الكيام الكيام

محيوبه: حاضرياعمي.

مسيواز، بعد الرشاش هدريك على الآلية . لازم الناس كلها تعرف أنك راجل . لزمًا يعرفوا ان ورايا راجل .

محجوب لكن البندقد ياعمى .

فسسواق، هتقول إيه كمان ؟! أمك الحُرمة بتستعملها ولا أجدع راجل في رجالتي . كسمان مسرتي هدايات دلوقيت بتدرب على الطبنجة . وأنت راجل مش حُرمة ، يعنى لزمًا تكون أفضل منهم « تدخل هند » .

هــــــده بافواز . أنا كمل مادخه عليكم ألقاك بتحمل بتحمل بتحمل بتحمل الطبنجة زين .

هـــــنده محجوب إن شاء الله هيكون زين وسيد الرجالة بس أنت متفكرش كتير . عاوزاك بس تهدى أعصابك . ( تدخل هدايات ) .

مدايات انتى سيبانى جوه أشتغل وحدى . ماتيجى تساعدينى ولا أنتو جايبنى جارية تشغلونى عندكم !؟
منتد ماتكتريش فى الكلام . أدخلى وأنا جايه وراك .
مدايات اسمع يافواز أنا تعبت ما عدت قادرة أعمل حاجة .
قول لها تدخل تكمل . أنا عملت اللى قدرت عليه (بدلال) .

مراده المناد الملى الشغل اللى جوه المنطقة اللى المنطقة المنطق

محبوب، حاضريااماي (يخرج).

هسدایسات: أنا بتكلم مع راجلی یاهند . أتْكُلمْ معاه زی ما أنا عاوزه .

هستسه إسمع بقى يافواز . ماهو أنت دلعت البت دى علينا . كان لزمًا تعاملها بشدة أكتر من إكده .

فسسواز، هند ( يضربها بالكرباج ) مش خُرمه اللي هتعلمني كيف أتعامل مع مَرَتي .

هستسد اکده یافواز / دی أخرتها / تضربنی بالسوط عشانها!

السيواز، أضربك وأضربها . أنا جاى هنا بعيد عن المشاكل والخوف اللي ملاحقني في كل مكان / مش عشان تعيشوني في جحيمكم .

هـــنــد أنا الحق عليا (موجهه كلامها لهدايات) أنا اللي دخلتك الدار. أنا اللي جوزتك بيدى. ما كنت أعرف ان جزائي هيكون إكده وبالسرعة دى. أنا اللي جعلته يبقى عليكي.

فــــوازه هند. كفاياك كلام.

محجوب، مرسى عاوزك ياريس.

مرسی!. وأیه اللی عَرَفُه مکانی إهنه ؟ عرف إزای ؟. أدخلوا دلوقیت جهزوا خلجاتنا عشان بعد ماهتکلم مع مرسی هنشوف مکان تانی نِتَاوی فیه . أنا مش عاوز أی حد یعرف متوانا .

السسراوى: فواز ماعاد له عزيز . ماعاد بيثق فى حد . أصبح بيشك فى كل اللى حواليه / اتنقل من مكان لمكان . مرة فى الجب ومرة فى الهيش بين المزارع . بين القلق والخوف .

رج لله مظبوط. وهو ده أخرة الطريق اللي مشى فيه.

رجـــل ٢٠ إهيى . طبعا كلنا عليه .

المسراوي: رغم الظروف.

رجسل ١١ ظروف إيه دى اللي جعلته إكده.

رج لل ٢٠ نقول ياعيني عالبلد . فواز قبل مايتحكم كان عادل . والحق كان عادل . وكان عادل .

وكان عليه بس يسعى . والحق كان وياه هيتعادل .

رج الرجالة . الواحد من دول تبقى فيه كل الصفات الطيبة ولما يحكم يتغير . يتحكم يتغير . يتحكم يتغير .

الــــواوى: ماهى الحكاية عصاية مش أكتر. تمسكها للناس تخاف

وبكده تقدر تتحكم فيهم . هتقول شمال هيكونوا كلهم شمال . وإن قلت يمين هيكونوا كلهم يمين .

دجسك ٢٠ الناس همد اللي جعلوا فواز يتحكم فيهم.

السراوى: (لرجل ٣) قصدك تقول / الناس همد اللي جعلوا العصايا تتحكم فيهم.

انا ما عدت (لنفسه): (في بقعة ضوئية لمفرده) أنا ما عدت قادر على القلق ده.

السراوى: للخوف نتاج . وده نتاج الخوف يافواز . خوف من الخوف اللي عايش فيه الناس .

المسلواق ماعدت قادر / مطارده من كل مكان .

السيواوي (لفواز): أعدائك كتروا يافواز.

فــــواق كل اللي حوليا دول جبناء . ما بخاف منهم . لكن الشرطة هي اللي عملت لي زعر .

السيراوي: لو أنت عاوز الرأى الصُح / سلم نفسك . وارتاح .

صوت هند. أوعى تفكر في اكده . أوعاك تسلم نفسك يافواز .

السيوان الع مش ممكن / أنا أقستل روحى و الأأنى أسلم نفسى .

السسواوي: أنا بقول اللي عايش في السجن أرحم من اللي عايش في السبون أرحم من اللي عايش في السبون أرحم من اللي عايش في الكوخ / وكل اللي حوليد خوف (تدخل هدايات).

هسلاهسات انا مش ممكن أقدر أعيش في الجوده . شوفلك حل يافواز . أنا عاوزه أستقر . ش معقول كل يوم في مكان . وكل يوم بهدله .

انتى مش ناقصك حاجة ياهدايات .

أنا ناقصني الاستقرار والأمان. أنا كنت في دار بوي أفضل من إهنه. كنت مرتاحة. ومستقرة. لوكنت عاوز

أجيبلك الولد/يبقى لازم أستقر.

هــــواز ه

أنتى بتقولى أيه ياهدايات ؟

هـــان:

بقولك اللي حاسه به . الحقيقة اللي لازم تعرفها . أنت عاوز الخلفه . وأني سألت وعرفت . الواحدة منا مش ممكن يجيلها حمل في جو كله قلق وزعر ومطارده بالشكل ده.

هاعقد على واحدة تانية ونشوف صحة كلامك .

عارفاك . أنت مش محكن تآمن على روحك مع أي واحدة / أنا بقيت فهماك زين يافواز.

انتی بتهددینی یاهدایات ؟

هـ داهيات: أنا عاوزاك تفكر في مَخْرَجُ للى أنت فيه. واللي إحنا عايشين معاك فيه / كل يوم بتورط نفسك. وحقد الناس لك بيزيد . أنت لزمًا تفكر يافواز . إحنا مش ممكن نعيش في الوضع ده / مش ممكن نستمر إكده. فكر . فكر زين يافواز . حتى ولو اضطريت انك تسلم نفسك للشرطة (تدخل هند).

عبيد الع لع يافواز . ماتسمعلهاش . أيه اللي يتقوليه ده يابت انتى . انتى كان وشك شؤم علينا يوم مادخلتى الدار / من يومها وكل المصائب بترف علينا . أوعاك تسسمع لها يافواز . لوسلمت نفسك للشرطة مش

هترحمك . أقل شئ أشغال شاقة مؤبدة . وأنا مش عاوزة أخسرك بقيت عمرى .

فسسواق، «مقاطعًا» (مستعملاً للكرباج) كفاية . كفاية . أنا ماعدت عارف أنام . انتو كان لزمًا تكونوا .

هستسد أنا خايفة عليك يافواز . خايفة عليك (مهدئه له ) ماتتكلمش كتير دلوقيت . أدخل ريح جوه شوية . يكن تنام .

فسواق أنام أنام أزاى . دانا فى نومى باكون صاحى . مفتح عينى . براقب اللى جاى واللى رايح واللى داخل واللى خارج واللى طالع واللى نازل .

هستسد أدخل نام يافواز . أطمن . أنا هاسهر أحرسك . في المسلم المسل

هستسد، خلاص نتفق یافواز . نعملها وردیات . کل واحد منا ینام فی میعاد محدد . إحنا أربعة نقسم الوقت بینا . أدخل نام یافواز واحنا هانتفق ( یخرج فواز ) . هستسد أنا مالى كلام معاك يابت انتى .

هــــدايــات أنا باعتبرك في مقام والدتي / عشان إكده ماباخد على خاطرى من كلامك .

هدایدات طب لید مانتفاهمش أو نتفق عشان نرتاح ونریح فواز .

هـ دايـات: أنا عـاوزاه يرتاح من الزعـر اللي جـواه والخـوف اللي حواليه .

( يدخل محجوب وفي يده الطبنجة ) .

هــــد ، كت فين يامحجوب ؟

محموب كت براقب الطريق من بعيد.

( نسمع فواز يصرخ مفزوعا . بدخل ) .

عبر نار فى كل مكان وفى كل مكان وفى كل مكان وفى كل وفى كل وقت . حتى فى الحلم .

فسسواز، رصاص . رصاص . طلقات الرصاص حواليا في كل مكان . كل البنادق مرفوعة على . كل طلقة باسمعها بتدخل صدري / في الحلم شايف نفسي مرمى على الأرض الرصاص بيمر من فوقى وكل ما أقف يدخل

صدرى وأموت وأترمى فى الأرض . وكل ما أقف الرصاص يدخل صدرى / أنا ماعدت قادر / حتى فى النوم / النوم !/ ياناس أنا ماعدت بقدر أنام . لكن لع . أنا هاعرف أتغلب عليهم / هاتى السلاح ياهدايات . أنا من هنا ورايح ماهنام غيير والسلاح فى يدى . ويبقى يجينى حد فى الحلم / وانتوا كل واحدة منكم يكون سلاحها فى يدها . تسلم يامحجوب / عاوزك ماقشى إللا وطبنجتك فى يدك دايما .

(یدخل مرسی مسرعا).

مـــوسى: فواز. لم خلجاتك وسيب المكان ده بسرعة (يلاحظ توتره).

أنت عرفت مكانى ده أزاى يامرسى!؟

مش مهم دلوقيت . المهم أنك لزمًا تسيب المكان ده حالا .

خير يامرسى . خبر إيد ؟

أنا .. أنا .. ( مرتبكا ) .

أنت أيد . أتكلم يامرسي ...؟

أنا غليطت في حيقك ياريس. غلطت في حيقك.

اقتلنى .

طخنى بالطبنجة دى ( يعطيه طبنجة فى يده ) إقتلنى بها دى الطبنجة اللى كنت كُلتها عليك . أنا باعترف بغلطتى . أنا بَلَغْت عنك ياريس . الشيطان وزنى أبلغ الشرطة عن مكانك . قالى إنى لو اتخلصت منك هاخد مكانك وأبقى ريس الجبل .. أنا .. أنا .. أنا ..

هـــواز:

مــــريسى :

هـــــــه

هــــواز:

هـــواز:

مــــرينــى د

خصصوان، أنت اللي تعمل إكده. ادخلي اللي تعمل إكده. ادخلي معاها ياهدايات. ادخلي معاها ياهدايات. بسرعة (تخرجان).

محجوب: أنت يا مرسى . تعمل إكده في الريس اللي رفض يغدر بك .

مسرسى: مش وقت الكلام بامحبوب. أنا عرفت غلطتى. عرفت الكلام بامحبوب البرادعة منى وعرفت عبوب وعرفت عبوب البرادعة منى وعرفت قد ايه معزتى عنده.

فعلا يامحجوب. مش وقته الكلام. كلامك صُع يامرسى ، مش وقته الكلام . وعشان الكلام سكت . يبقى لزما السلاح هو اللى يتكلم / بُصلى يامرسى . بُصلى عشان أنا ما بضرب حداً غير فى وشه ( يمسك الطبنجة ويطلق النار على مرسى ) .

السسواوی: مرسی دا کان یاماکان . نقول علیه بای بای . یاسادة یاکرام اللی غدر خد جزاءه . وفواز کان قالها کلمه . قال أنا ماغدرش بواحد کنا مملحین مع بعض . یعنی کلّ معاه عیش وملح . لکن الغدر جه منه . عشان اکده فواز حاکمه . حکم ونفذ حکمه ( یدخل ضابط ومعه شاویش یتحرك بین الأفراد الموجودین بالمسرح بما فیهم الراوی والمستمعین ) .

الشسطيط، أنا مش عارف الحكاية إيه بالضبط .كل ما نسأل واحد من الناس عن فواز يسيبنا ويجرى . زى ماتكون قرصته حية .

ياسعادة البيه الناس هنا بتخاف لو اتكلمت ينتقم الشـاويش: منهم . ده مابيرحمش .

الضاويش. يعنى ايه ياشاويش.

الش\_اويش: يعنى ياسعادة البيه . فواز لو عايش بينهم مش ممكن يوزوا عليه . ده كمان ممكن يخبوه في بيوتهم .

> للدرجة دى رغم كرههم له . الضابط:

الخوف اللي جواهم يعمل أكتر من إكده. ياسعادة الشاويش: البيه مفيش واحد في البلد ما يعرفش مكان فواز.

( يتحرك رجل أو ينزل من المستوى الذي عليه إلى المستوى الذي يقف عليه الضابط والشاويش).

لكن فواز لازم هيقع في أيدينا . سواء كان بمساعدتهم الضابطه أو من غير مساعدتهم. هات الراجل اللي ماشي هناك ده (یشیر علی رجل ۱).

> انت ياراجل. تعالى هنا كلم سعادة البيه. الشاويش: رجـــل ۱ :

أيوه أنت تعالى هنا . تعرف أيه عن فواز . أو عن مكانه ؟ الشساويش، فواز . ياخبر أسود . إلحقناياحاج راوى . إلحقنى . رجـــل ۱ : والنبي شدني خرجني من الحكاية.

لا ياسعادة البيه. سيبه ده تُبَعنا . دا واحد م السميعة الـــراوي: اللي بيسمعوا القصة . مش من أفراد الحكاية .

أنا مش عارف الأمور اللي هنا غريبة قوى .. الواحد مش لاقى حد يتكلم معاه . كل الناس اختفت (يخرج الضابط والشاويش)

رجسل ١١ و الله يكرمك ياحاج راوى . أنت انقذتنى منه .

السراوى: أنت اندم جت قوى فى الحدوته ولا أيه ابنى اللى دخلك الحكاية . خليك قاعد الناحية دى . بعيد عن حدود الحكاية بتاعتنا .

( يدخل فواز والمحجوب وتيحركان على مستوى السمعية والراوى فيدب الفزع بين الموجودين من الناس . عا فيهم المستمعين للراوى ) .

اس وات متداخلة من المستمعين: فواز . الريس فواز . إدارى يادانت وهو - يانهار مش فايت دا فواز ، ايه اللى جابد هنا - نهار! قول ياليلة طين ...

محجوب المدا أنت بقالك ٣ ليالى بتلف وما غمضت عينك لحظة .

المع يامحجوب . إياك تخاف . أو يُخش الخوف جواك . السمع يامحجوب . إياك تخاف . أو يُخش الخوف جواك . السمع الناس همه اللي خايفين .

وده نتاج الخوف ياسامعين . خوف من الخوف / يولد خوف .

الــــراوى: ماتحاولش تقول انك مش حایف .

ــــواز: الخوف جواید . لكن عمره ماخرج من جوایا . عمرى ما خلیت الناس تشوفه علی .

الـــراوى: ياللى زرعت الخوف جوه القلب . هانت . زرعت الخوف جوه القلوب وظنيت ان الحقيقة هامت لكن النهاية قربت والنتيجة من بعيد أهى . بانت الخوف ظهر جواك .

لا عرفت تفرق ما بين المخلص من الناس.

ولا بين الناس اللي خانت .

الخونة أكتر من المخلصين.

السراوى: يكن لكن . فيه أشياء تانية كثيرة جوانا لازم نعرفها .

هى اللى بتحكمنا (تدخل هند وهدايات).

السمعونى زين أنا دلوقيت قدامى سكتين ما فيش خيسار بينهم . أنا حياتى بقت بالوضع اللى أنتوا شايفينه ده . عشان إكده مافى قدامى غير أنى أكون إكده مافى قدامى غير أنى أكون إكده / مُطارد وبتنقل من مكان لمكان . أو أنى أسلم نفسى للشرطة .

هــــــــــ بتقول أيد يافواز ؟

في والله المعيني أما أكمل كلامي . إنتي ياهدايات تاخدي

خلجاتك وتعاودي دار بوك إنتى كان عندك حق في

كل اللي قولتيه / إنتي ماذنبك شئ في العيشة دى .

هسلاهسات، أنا قلتلك إكده عسان تبُص لنفسك . لكن أنا مش مكسن أنا مش مكسن أسيبك واحدك في الظروف دي يافواز حتى

لو طختني بالنار.

هـــوازه إعقلي ياهدايات ، عاودي دار بوك .

هـــواق إكده ياهدايات . وإنتى ياهند .

عسنسه أوعاك تقولها يافواز / أنا هافديك ومش ممكن اتخلى عنك .

فـــواز، إنتى كبرتى باهند ومش حمل البهدلة. ماعدتى تتحملي المطاردة.

هستسده خبر أيه يافواز . قلتلك . أنا مش محكن أتخلى عنك ، وبعدين هاعاود أروح فين !! . خوى على ما أنت عارف اللي حصله بعد مافكر يخونك .

اللي حصل له . لأنه فكر يعمل شُغل من ورايا لصالحه . لكنه ماكان قد الناس . كان فاكر نفسه حوت .

هــــــد انا مش بتناقش معاك يافواز ولا بأحاول أبرأه . على خد جزاءه . لكن أنا بقول أنى ماعاد لى غيرك أنت ومحجوب .

( یسمع صوت طلق ناری من بعید . یترکهم فواز ویخرج مسرعا ) .

السسواوي: فوازياسادة طار. ماعاد بيفكر / طار. ولكن الشرطة كمينها كان له حصار. ولكن الشرطة كمينها كان له حصار.

والناس قالولى بأن فواز عاش أكتر من عشر أيام ماداق طعم الزاد . كان أحيانا ياسادة لما الحصار بيضيق عليه كان بيدارى جوه فتحات المجارى . أو يقعد باليوم والاتنين فوق شجرة من غير مايتحرك . فواز تعب . ماعاد قادر يواصل / زهق / فواز صرخ . رفع سلاحه وعلق عليه الراية البيضة . قال :

من غير خوف . أنا خايف منكوا ياناس . خايف من كل شئ حواليا . انتوا اللي خدتوا مني الأمان قبل ما أخده منكم . انتوا السبب . انتوا اللي قتلتوا أعز الناس قبل ما افكر أقتل واحد منكم. قتلتوا خوى حسان وهو لسه عريس. انتوا اللي صنعتوا مني فواز الخطر. أنا ياناس بقولها. أنا عاوز أعيش. أعيش زيكوا ويبقى لى ولاد (تدخل هدايات والمحجوب). ولاد . أخوات للمحجوب . نفسي في أولاد ياهدايات . عاوزك يامحجوب تحقق اللي ماحققتوش / الحلم كان جوايا كبير وأنتوا الى قتلتوه ( في توهد. للناس) أو اللي قتله واحد منكوا.

> أنا اللي كان لى حقوق وضاعت بينكوا أنا انهزمت لما كنت منكوا.

سلم نفسك يافواز وارمى سلاحك (تدخل هند). صوت النسابط:

لع يافواز . الشرطة مش هترحمك . ارجع عن السكة دى . الشرطة نار وهاتعملك بالنار . هاتهين كرامتك . صدقنى يافواز الشرطة ماهترحمك . ومابتفرق بينك وبين اللي رفض يسلم نفسه.

ارجعي انتي ياهند . المحجوب محتاجك .

ف واز . أنا هستناك . أنا جبت لك اللي أنت عاوزه. أنا حامل يافواز. لازم تعيش عشان الولد وعشاني .

هـــنــد ه

عسواز: بتقولى أيه يا هدايات . انتى صادقه في كلامك ؟

هسدات: صادقة يافواز.

ماتسلمش نفسك يافواز.

صوت النسابط: سلم نفسك . هنضرب بالنار لوقاومت .

( يتحرك المحجوب ويطلق النار من طبنجته ناحية صوت الضابط . ثم تتبعه هند وتطلق النار من سلاحها الذى فى يدها . تصل رصاصة من الخارج يقع على آثرها فواز أرضًا ويدخل بعدها الضابط . تصرخ هدايات وترتمى على فواز .. ) .

هسكاليسات، قتلتوه ليه ؟ . دا كان رافع الراية البيضه . كان بيسلم نفسه . ليه ؟ . أوعاك تموت يافواز محتاجينك . محتاجينك يافواز .

هدایات . کان لازم تکون دی نهایتی . الولد لازم یکون حاجة کبیرة . لازم تکون له هیبة بین الناس . ولد فواز لازم یعیش رافع راسه والناس کلتها تعمله حساب .

هستسك، أنت مش هتموت يافواز . ماتتكلمش كتير . الشرطة . هاتجيبلك الإسعاف .

هند / أنا خلاص انتهيت . كنت قاسى عليك لكن كنت بحبك أنا حبيتك ياهند / مش أى حد فى الدنيا غيرك / حافظى على المحجوب . ولدى هايكون أمانة تحافظى عليها . المحجوب وولدى هيكونوا أخوات ياهند . ولدى اللى كان نفسى أشوفه ( يموت ) .

### 

( تحمل هند محجوب وتخفت الاضاءة على المسرح إلى أن تصبح مسلطة عليها فقط وهى تحمل المحجوب . . ويصل إلينا صوت الراوى وكأنه يعلق على الصورة » «منشداً » : ولكن ظروفنا وبعض العادات .

مسوتالراوي

بتحكم مصيرنا وتعند ساعات .

ويبقى الشريف في النهاية خطر.

وقصتنا كانت حكاية وعبر.

وقصتنا كان بطلها خطر

عرفنا حكايته، أما كان في الصغر.

ومن شافه مرة لزمًا يقول ومن شاف طفولته لزمًا يقول وكل من عايشه لزمًا يقول . بأن بطلنا لزمًا يكون . يكون في النهاية فخر الوطن .

ولكن ظروفنا وبعض العادات. بتحكم مصيرنا وتعند ساعات. تحول مصار الطريق الصحيح. ويبقى الشريف في النهاية خطر

\*\* ستار \*\*

# الفمرس

رقم الصفحة	
1 4	لفصل الأول
44	اهٔ صلا النها: اه صلا النها:

٧o

الفيصل الثيالث .....

# صدر من الكتاب الأول

عاطف سليسمان	قسصص	۱ - صــحــراء علی حــدة
وليسد الخسشساب	ئـقـــــد	۲ - دراسـة في تعـدي النص
أمــــينة زيدان	قسصص	٣ - حـــدث ســـداً
صـادق شــرشــر	شــعــر	٤ - رســوم مـــــرکـــة
عبد الوهاب داود	شــعـــــــــــــــــــــــــــــــــــ	ه – لیس ســواکــــا
طـارق هـاشـم	شــعــر	٦ - احتمالات غموض الورد
مــصطفى ذكـــرى	قــصص	٧ - تدريبات على الجملة الاعتراضية
محمد السلاموني	مسرحية	۸ – کــــلـــوديـــوس
محسن مصيلحي	مسرحية	۹ - مسرحيتان من زمن التشخيص
		٠١ - لــــيـــن
مـــحــمــد رزيق	مسرحية	١١ - أحسسلام الجنرال
محسدحسان	قــصص	٠٠ - حيفنة شيعير أصفر
عطيـــه حـــسن	شـــــــــر	۱۳ - يستلقى على دفء الصدف
		١٤ - النيل والمصسريون
		١٥ - الأسماء لاتليق بالأماكن

١٦ - العنف والسناح قنصص خالد منتسسر ١٧ - ناقد في كواليس المسرح دراسسة مصطفى عبد الحميد ١٨ - أطيساف شسعسرية نقسد عبد الله السمطى ١٩ - أنـــــــــا نصوص غادة عبد المنعم ٠٢- سيبارق الضيبوء قيصص ليسالي أحسيد ٢١ - رجع الأصسسداء نقسد جليلة طريطر ٢٢ - شـــروخ الوقت شسعسر مـاهر حــسن ٢٣ - أغنيسة للخسريف قسصص عاطف فستسحى ٢٤ - بائع الأقنعية مسرحية صلاح الوسيمي ٢٥ - أفسسراخ الحسمسام قسصص شوقى عبد الحميد ٢٦ - كوجهك حين ارتحال الصباح شسعسر خسالد حسمدان ٢٧ - وشييش البيحير روايسة أمياني خليل ۲۸ - ناصیسیة سلیسسیان قسصص مسجسدی حسینین ٢٩ - أغنية الولد الفوضوى شبعبر مبحبود المغربي ٣٠ - سيؤال في الوقت الضائع قسصص مسدحت يوسف ٣١ - كـــرم غــابة شسعسر خــالد أبو بكر

۳۳ - جــــــر الأصــابع شـعـر أشــــرف بونس عـــر أشــــرف بونس عـــر عــــری وحـــدة قـــصص حـــسن صــبـری ۳۵ - أمــــــات عــائليــة شـعــر سعـــد أبو طالب ٣٥ - أمــــــلامع وأحــــوال نقـــد ناصـــر عــــراق ٣٧ - كـــتـــابة الصـــورة نقـــد محــد مـخــار ٣٨ - كـــتـــابة الصـــورة نقـــد محــد مـخــار ٣٨ - نــــاج الخــــوف مسرحية ناصـــر العـــزبى

## لجنة الكتاب الأول:

غير ملزمة بإعادة أصول الأعمال إلى أصحابها سواء نشرت أو لم تنشر.

طبع بالهيئة العامة لشئون المطابع الأميرية

رقم الإيداع ١٩٩٩ / ١٩٩٩





